

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 112. stav 2. Poslovnika Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona“, broj 7/12 i 12/13), na prijedlog Ministarstva za boračka pitanja, Vlada Zeničko-dobojskog kantona, na 107.sjednici, održanoj dana 24.08.2017.godine, d o n o s i

ZAKLJUČAK

I.

Prihvata se Mišljenje Ministarstva za boračka pitanja Zeničko-dobojskog kantona broj: 13-02-8974-3/17 od 03.08.2017.godine u vezi inicijative zastupnika Skupštine Kantona Hasana Handžića za donošenje Zakona o obilježavanju značajnih datuma i događaja na području Zeničko-dobojskog kantona, te Pravilnika o obilježavanju značajnih datuma i događaja na području Zeničko-dobojskog kantona.

II.

Zaključak sa Mišljenjem iz tačke I. ovog zaključka dostavlja se Stručnoj službi Skupštine Zeničko-dobojskog kantona u daljnju skupštinsku proceduru.

III.

Zaključak stupa na snagu danom donošenja.

Broj: 02-02-11953/17.

Datum, 24.08.2017. godine


Z e n i c a

DOSTAVLJENO:

1x Ministarstvo za boračka pitanja,

1x Stručna služba Skupštine Kantona,

1x a/a.





Broj: 13-02-8974-3/17

Zenica, 03.08.2017.godine

Predmet: Mišljenje po Inicijativi zastupnika Hasana Handžića za donošenje Zakona o obilježavanju značajnih datuma i događaja na području Zeničko-dobojskog kantona

Dopisom Stručne službe Skupštine Zeničko-dobojskog kantona 01-02-8974/17 od 16.06.2017.g. od Vlade Kantona zatraženo je mišljenje o inicijativi zastupnika Hasana Handžića za donošenje Zakona o obilježavanju značajnih datuma i događaja na području Zeničko-dobojskog kantona. U okviru podnesene Inicijative Predsjedavajućem Skupštine Kantona je dostavljen tekst naznačenog Zakona kao i Pravilnika o obilježavanju značajnih datuma i događaja na području Zeničko-dobojskog kantona.

Dopisom Stručne službe Vlade br. 02-1-02-8974-1/17 od 29.06.2017.g., od Ministarstva za boračka pitanja zatraženo je mišljenje po naznačenoj Inicijativi.

Zastupnik Handžić u podnesenoj Inicijativi navodi slijedeće:

"Posljednjih godina smo svjedoci da obilježavanje značajnih datuma i događaja iz naše prošlosti sve više poprima karakteristike formalnog, a ne suštinskog značaja. Svjedoci smo takođe da se značajnim važnim događajima iz naše prošlosti, sa aspekta odabira istih, selektivno pristupa, što uglavnom zavisi od entuzijazma zainteresovanih i zaduženih lica nosilaca obilježavanja nekih događaja. Svjedoci smo nažalost i činjenice da manifestacijama koje njeguju sjećanja na važne događaje iz naše prošlosti, koje se pod nekim uslovima i pritiscima zainteresovanih grupa lica i organizuju, prisustvuje vrlo mali broj posjetilaca, a **lica iz organa i institucija vlasti uopšte nema** (dokaz je npr. obilježavanje 15.04. kao Dana ABiH u Zenici i mnoge druge slične manifestacije na općinskim nivoima širom Kantona). Pri ovome izuzetak čine samo pojedinci koji su po službenoj dužnosti vezani za pripremu manifestacije, te su kao takvi uključeni u pripreme ili učešće u istim.

Nastavak ovakvog stanja je definitivno nedopustivo, a od strane svih državnih organa i institucija bi i dalje bilo krajnje drsko i bezobrazno, što se mora pod hitno zaustaviti!!! Razloga je mnogo, ali ovdje ću fokus usmjeriti na težišne činjenice, a to su:

- Stotine, pa i hiljade lica širom Kantona iz **organa državne uprave i javnih institucija rade u istim obezbjeđujući sebi i porodici egzistenciju kao i druge pogodnosti, ali nikako ne može biti u redu i normalno da istovremeno sva ta lica ignorišu manifestacije koje njeguju temelje naše državnosti i istovremeno su temelj njihovog statusa danas.**

- Nije u redu i nije normalno da na manifestacijama organizovano ne učestvuje nastavno osoblje i učenici škola jer im je to, pored zabrane izučavanja svoje historije kroz nastavne planove i programe, jedina veza sa patriotskim osjećajima, a djeca koja rastu bez patriotskih osjećaja su kao brod bez kormilara.

Organizacija manifestacija koje njeguju sjećanja na značajne datume i događaje do sada su od organa vlasti uglavnom prepuštane nekim boračkim udruženjima ili njihovim savezima koji sa različitim ciljevima, potencijalima, autoritetima i mogućnostima pristupaju ovim aktivnostima, pa se često dešavaju i različite neprimjerene situacije i događaji koji donose više štete nego koristi. Sve se, nažalost, svodi na činjenicu koliko će organi vlasti nekom udruženju ili savezu dati novca za ovu ili onu manifestaciju i još se pri tome ponašaju kao da su napravili nekome od njih ustupak i uslugu, što je strašno. Simptomatično je da se i te dotacije iz godine u godinu sve više smanjuju,

pa je ovim trendom smanjenja uskoro očekivati izdvajanja od "0" KM, a to znači da će se i manifestacije značajnih datuma i događaja uskoro potpuno ugasiti.

Mora se sasvim jasno reći: Udruženjima i njihovim savezima organi vlasti ne trebaju davati finansijska sredstva za organizaciju manifestacija kao da se ti datumi tiču samo njih, nego se mora otpočeti sa novom praksom i sve aktivnosti oko manifestacija značajnih datuma treba da organizuju baš organi vlasti, jer oni predstavljaju državu koja je trajna kategorija, a ne borci kao biološki prolazna kategorija. Borci mogu i trebaju da budu samo gosti takvih manifestacija.

Smatram da je krajnje vrijeme da se u ime budućnosti države sa ovakvom neodgovornom praksom mora hitno prestati, jer Bosna i Hercegovina i sve žrtve koje su za nju pale to ne zaslužuju. A ni lica koja se indolentki ponašaju prema značajnim datumima, ne zaslužuju da sjede na svojim radnim mjestima, što se posebno odnosi na funkcionere državnih organa i institucija.

Pošto je izvjesno da pomaka po ovom pitanju od strane državnih organa nema, nego čak naprotiv, posljednji pokazatelji poprimaju dramatične pokazatelje, obilježavanje značajnih datuma i događaja iz naše prošlosti na nivou Zeničko-dobojskog kantona se mora sistematično riješiti Zakonom kojim za organizaciju manifestacija uz sankcije treba precizno zadužiti i učiniti odgovornim organe, pojedince i institucije vlasti koji u suštini i predstavljaju državu. Njima boračka udruženja i savezi dok postoje mogu samo pomoći, a nikako da budu nosioci aktivnosti organizacije manifestacija, kao što se činilo do sada, jer će država, njene institucije i omladina koja mora biti u centru zbivanja manifestacija, nadživiti sve borce i sva njihova udruženja i saveze. Postavlja se pitanje: šta kada više ne bude boraca? **Zato se ne može više trpiti da se institucije vlasti ponašaju kao da se obilježavanje značajnih datuma iz naše prošlosti tiče samo boračkih udruženja i saveza, a ne njih koji predstavljaju državu i koji su plaćeni da o njoj brinu.** Ako lica u državnim organima i institucijama nisu spremni na radikalne promjene u odnosu prema značajnim datumima i događajima koji se znaju godinu dana unaprijed i lahko ih je planirati, ne trebaju se prihvatati javnog posla i posebno javnih funkcija. Neka se onda bave privatnim poslom, mada bi na ovim manifestacijama, pored omladine, trebali da budu prisutni i privrednici, jer su svi oni zahvaljujući događajima koji stoje iza značajnih datuma, ostvarili i svoj uspjeh, a niko im ne garantuje da sutra njihovu imovinu neće trebati ponovo puškom čuvati.

Neka se svi zapitaju:

- Šta bi bilo danas da nemamo svoju državu utemeljenu kroz 25.11. i 01.03. ?

- Šta bi bilo da nije bilo Armije BiH (15.04.), HVO i policijskih snaga?

Svako normalan će na samo ova dva pitanja naći motive i razloge zašto značajne datume treba masovno obilježavati. Oni koji te odgovore ne nađu na ovim pitanjima neće ni na drugim, a time ne zaslužuju ni brigu ni pažnju društvene zajednice!!! A ako su ta lica zaposlena u državnim organima i javnim institucijama, ne smije se dozvoliti da se tamo ubuduće ni trenutka zadrže.

U cilju dugoročnog i sistematičnog rješavanja ove problematike na našem Kantonu, u prilogu akta Vam dostavljam Zakon o obilježavanju značajnih datuma i događaja Ze-do kantona na usvajanje. Namjera mi je da se Zakon što prije stavi u skupštinsku proceduru kako bi prosvjetari svoje obaveze koje iz Zakona proizilaze ugradili u planove vannastavnih aktivnosti već za školsku 2017/18 godinu koje će izrađivati na početku iste.

Napominjem da učešće škola u implementaciji ovog Zakona nikako i ni u čemu ne obuhvata, niti čak dodiruje nastavne planove i programe obrazovnog procesa, nego se planirano učešće škola ogleda kroz posjete različitim manifestacijama koje su školama čak preporučljive i planirale bi se **isključivo planovima vannastavnih aktivnosti.**

Zbog svega naprijed navedenog, molim Vas da hitno poduzmete odgovarajuće mjere na ubrzanom usvajanju ovog Zakona, a da se ne gubi dragocjeno vrijeme, Vladi sam pripremio i Pravilnik koji bi pratio Zakon kao podzakonski akt."

U vezi sa podnesnom Inicijativom, želimo istaći slijedeće:

Obilježavanje značajnih datuma, tačnije organizovanja i održavanja manifestacija povodom obilježavanja značajnih datuma i događaja iz proteklog odbrambeno-oslobodilačkog/ domovinskog rata na području Zeničko-dobojskog kantona, regulisano je odredbama člana 31. Zakona o dopunskim pravima branilaca i članova njihovih porodica ("Sl. novine ZDK" br. 1/14), programom utroška sredstava sa budžetske stavke Ministarstva za boračka pitanja, koji donosi Vlada Kantona, te odlukom o utvrđivanju kalendara obilježavanja značajnih datuma iz proteklog odbrambeno-oslobodilačkog/domovinskog rata, koji donosi ministar Ministarstva po osnovu programa utroška sredstava. Istim se aktima svake godine planiraju sredstava koja se dodjeljuju branilačkim udruženjima i resornoj službi grada/općine Kantona u svrhu sufinansiranja obilježavanja ovih datuma. Kalendar je utvrđen u skladu sa prijedlozima nosilaca aktivnosti na realizaciji manifestacije - branilačkih udruženja i resorne službe grada/općine, a sredstva se dodjeljuju na osnovu zahtjeva sa predloženim projektima koji sadrže podatke o manifestaciji, sredstvima koje osigurava organizator manifestacije i druga fizička i pravna lica, te potrebnom iznosu koje u cilju sufinansiranja troškova organizovanja i održavanja manifestacije izdvaja Ministarstvo.

Ministarstvo za boračka pitanja u skladu sa svojom resornom nadležnošću, podržava sve inicijative, prijedloge, mišljenja i sugestije nadležnih organa, lica ili pojedinaca iznesene u formalno-pravnoj formi propisanoj aktima Skupštine ili Vlade Kantona ili u vidu pismeno ili usmeno iznesenog prijedloga Ministarstvu za unapređenje stanja u oblasti utvrđivanja i korištenja prava branilaca i članova njihovih porodica, te dostojnog obilježavanja datuma koji čuvaju uspomenu i dignitet proteklog odbrambeno-oslobodilačkog /domovinskog rata.

U tom svom djelovanju Ministarstvo iz nedvojbeno opravdanih razloga, prioritet daje i nastoji realizirati prijedloge udruženja koja okupljaju braniocima i članove njihovih porodica, pri čemu a prije eventualnog podnošenja prijedloga teksta akta Vladi ili Skupštini Kantona na usvajanje, nastoji u najvećoj mogućoj mjeri usaglasiti eventualne suprotstavljene stavove po određenom pitanju, što predstavlja proces u kojem se predstavnicima udruženja prezentiraju dokazi i uvjerenja da realni i opravdani interesi populacije koju zastupaju neće biti povrijeđeni ili uskraćeni u postizanju kompromisa u cilju izrade jedinstvenog teksta prijedloga akta koji će podržati sve organizacije.

U tom svom postupanju Ministarstvo iskazuje i očekuje puni stepen iskrenosti i poštovanja u saradnji, međusobnog uvažavanja i povjerenja između Ministarstva, kao organa državne službe koje ima resornu nadležnost zaštite interesa branilačke populacije i udruženja koja su formirali branioci i članovi njihovih porodica a koja ih zastupaju u ostvarenju prava pred državnim organima. U skladu sa svojim statusom državnog organa, Ministarstvo nastoji osigurati da predloženi akti budu u interesu ili barem ne budu protivni nacionalnim, političkim ili bilo kojim drugim opcijama populacije na koju se odnose, a koje se mogu javiti kao problem u shvatanju suštine akta ili razloga za donošenje istog.

U postupku po podnesenoj Inicijativi, a u skladu sa zauzetim principom o potrebi pribavljanja mišljenja i stavova predstavnika branilačke populacije sa područja Kantona o pitanjima od interesa za ovu populaciju, odnosno dosadašnjom praksom u tom smislu, Ministarstvo za boračka pitanja je istu uputilo kantonalnim udruženjima branilaca i članova njihovih porodica, ali i ostalim ministarstvima i drugim organima državne službe Kantona, a u cilju pribavljanja mišljenja i stavova istih organa po ovoj Inicijativi.

Svoje odgovore su dostavili UG Ratnih vojnih invalida-paraplegičara ZDK, Savez udruženja antifašista i boraca narodnooslobodilačkog rata ZDK, Organizacija porodica šehida i poginulih boraca ZDK, Savez ratnih vojnih invalida ZDK, Zajednica udruga obitelji poginulih i nestalih hrvatskih branitelja ZDK, Udruga nositelja ratnih odličja HVO ZDK i Zajednica udruga hrvatskih vojnih invalida domovinskog rata ZDK (dostavljamo u prilogu Mišljenja). Od ostalih ministarstava Kantona odgovor su poslali Ministarstvo za pravosuđe i upravu, Ministarstvo za rad, socijalnu politiku i izbjeglice i Ministarstvo za obrazovanje, nauku, kulturu i sport (također dostavljeno u prilogu).

U vezi sa Inicijativom predloženim tekstom Zakona, ovo Ministarstvo ističe slijedeća zapažanja:

- Nije dato obrazloženje članova Zakona niti su izneseni razlozi za konkretna zakonska opredjeljenja iskazana u istim;
- Predloženi Zakon u datumima od značaja za Kanton sadrži i datume već određene drugim zakonima, a kojima je regulisan i način njihovog obilježavanja (Dan državnosti i Dan nezavisnosti – neradni dani po zakonima o njihovom proglašenju, Zakon o praznicima u FBiH, Zakon o utvrđivanju i obilježavanju Dana ZDK);
- Iako prema svom nazivu Zakon reguliše značajne datume za Kanton, sadrži isključivo datume (osim onih navedenih u prethodnoj alineji) značajne za protekli odbrambeno oslobodilački/domovinski rat, a za nosioca izrade plana aktivnosti određuje samo Ministarstvo za boračka pitanja;
- U razlozima za donošenje Zakona istaknuta je potreba podizanja svijesti o značaju ovih datuma i odnosa predstavnika izvršne vlasti kao i zaposlenika kantonalne uprave i javnih ustanova prema istim, uz uvođenje obaveze prisustva obilježavanju ovih manifestacija i pokretanja postupka disciplinske odgovornosti zbog neizvršavanja ove obaveze. Radi se o pitanjima iz resorne nadležnosti federalnih i kantonalnih organa iz oblasti rada i radnih odnosa u upravi, sa neophodnim izjašnjenjem istih po predloženim zakonskim rješenjima;
- Predviđaju se obaveze jedinica lokalne samouprave (uključivo izdvajanje finansijskih sredstva), o čemu je također neophodno pribaviti mišljenje istih;
- Predviđaju se obaveze javnih ustanova i preduzeća, te Ministarstva obrazovanja, nauke, kulture i sporta ZDK u vezi vannastavnih aktivnosti učenika, što također zahtijeva izjašnjenje istih organa;
- Nije data procjena budžetskih sredstava potrebnih za realizaciju Zakona, izuzev naznake da neće biti potrebe za dodatnim budžetskim sredstvima u odnosu na sadašnja izdvajanja u tom smislu.

U dijelu predloženog Zakona koji se odnosi na obilježavanje datuma od značaja za protekli odbrambeno oslobodilački/domovinski rat, Ministarstvo ovim putem također ističe slijedeće:

U periodu donošenja Zakona o dopunskim pravima branilaca i članova njihovih porodica odnosno periodu primjene odredbi propisa koje regulišu izdvajanja sredstava za potrebe obilježavanja značajnih datuma, nije bilo izraženih primjedbi branilačkih udruženja i resornih općinskih službi odnosno zahtjeva za dodatnim ili drukčijim uređenjem ove oblasti zakonskim ili drugim propisom Skupštine ili Vlade Kantona.

Kantonalna branilačka udruženja, koja su dostavila svoje mišljenje, uglavnom nisu podržali Inicijativom predloženi zakon, dok nedostavljanje stava ostalih udruženja, po našem mišljenju, ukazuje na nedostatak dovoljne zainteresovanosti za uređenje ovog pitanja na predloženi način.

Imajući u vidu naprijed izneseno u pogledu zauzimanja stava Ministarstva za boračka pitanja o potrebi i načinu uređenja oblasti od interesa za branilačku populaciju predlaganjem i donošenjem propisa, kao i naznačene nedostatke Inicijativom predloženog teksta Zakona, te (ne)dostavljene stavove branilačkih udruženja i organa državne službe, Ministarstvo za boračka pitanja u sadašnjem trenutku nije spremno podržati donošenje istog.

Istovremeno, i ovim putem iznosimo više puta isticani stav Ministarstva o potrebi regulisanja na federalnom nivou pitanja od značaja za sve braniocce i članove njihovih porodica, posebno kada se radi o datumima iz ove oblasti značajnim za Državu i Federaciju. Tako je npr. u ostalim kantonima Federacije BiH ova oblast regulisana zakonom (Tuzlanski i Zapadnohercegovački kanton) odlukama skupštine i vlade (Kanton Sarajevo i Bosansko-

podrinjski kanton Goražde) uredbom vlade (Unsko-sanski kanton) te odlukama jedinica lokalne samouprave, a koji se uglavnom ili u potpunosti odnose na datume i ličnosti iz jedne komponente Oružanih snaga.

Regulisanjem ove oblasti propisima na nivou Federacije, barem u osnovnom segmentu, otklonile bi se evidentne neujednačenosti od kantona do kantona u pogledu regulisanja datuma koji se obilježavaju, načina obilježavanja, nadležnih organa za donošenje i sprovođenje propisa, sredstava koja se izdvajaju i izvora finansiranja.

S poštovanjem



Bosna i Hercegovina, Zenica, Kučukovići br.2.
Telefon: 032/460 790, 460 791; Fax: 460 792, e-mail: min.boracka@zdk.ba



Broj: 02-1-02-8974-1/17
Zenica, 29.06.2017. godine



MINISTARSTVO ZA BORAČKA PITANJA
N/R MINISTRA

PREDMET: Mišljenje po Inicijativi Hasana Handžića za donošenje Zakona o obilježavanju značajnih datuma i događaja na području Zeničko-dobojskog kantona, traži se

U prilogu Vam dostavljamo akt Stručne službe Skupštine Zeničko-dobojskog kantona, broj: 01-02-8974/17 od 16.06.2017. godine, kojim se prosljeđuje Vladi Kantona na mišljenje Inicijativa za donošenje Zakona o obilježavanju značajnih datuma i događaja na području Zeničko-dobojskog kantona, pokrenuta od strane Hasana Handžića, poslanika u Skupštini Zeničko-dobojskog kantona.

S obzirom da je Inicijativa podnesena u skladu sa članom 111. i 112. Poslovnika Skupštine Zeničko-dobojskog kantona ("Službene novine Zeničko-dobojskog kantona", broj: 7/12 i 12/13) i kako se od Vlade traži mišljenje, potrebno je da pripremite akt za sjednicu Vlade u formi i u obliku u kome će biti donešen, a u skladu sa Poslovníkom o radu Vlade Zeničko-dobojskog kantona ("Službene novine Zeničko-dobojskog kantona", broj: 5/11).

S poštovanjem,

Prilog:

- kao u tekstu
sa DVD-em.

Dostavljeno:

1x Naslovu,
1x a/a.





Broj: 01-02-8974/17
Zenica, 16.06.2017. godine

VLADA ZENIČKO-DOBOJSKOG KANTONA ✓

- n/r premijera Kantona
- n/r sekretara Vlade

ZAKONODAVNO-PRAVNA KOMISIJA SKUPŠTINE-putem Odjeljenja za poslove
radih tijela Skupštine /04

PREDMET: Inicijativa za donošenje Zakona o obilježavanju značajnih datuma i događaja na području Zeničko-dobojskog kantona - dostavlja se,

Hasan Handžić, poslanik u Skupštini Zeničko-dobojskog kantona pokrenuo je na 42. sjednici Skupštine Zeničko-dobojskog kantona održanoj 14.06.2017. godine, u okviru predtačke dvenog reda: „Postavljanje poslaničkih pitanja i pokretanje inicijativa“, **Inicijativu za donošenje Zakona o obilježavanju značajnih datuma i događaja na području Zeničko-dobojskog kantona.**

S tim u vezi, u skladu sa članom 112. stav 1. Poslovnika Skupštine Zeničko-dobojskog kantona, u prilogu vam dostavljamo na mišljenje predmetnu inicijativu o kojoj ste se dužni izjasniti u roku od **30 dana**, radi daljeg postupanja Skupštine po istoj u skladu s Poslovníkom Skupštine.

S poštovanjem!

SEKRETAR

Ibrahim Avdagić

PRILOZI: dio transkripta sa 42. sjednice Skupštine u kome je sadržana inicijativa poslanika Handžića i inicijativa predata u pisanoj formi (u prilogu inicijative dostavlja se i: tekst Zakona o obilježavanju značajnih datuma i događaja na području Zeničko-dobojskog kantona u pisanoj formi i snimljen na DVD, kao i u pisanoj formi tekst Pravilnika o obilježavanju značajnih datuma i događaja na nivou Zeničko-dobojskog kantona).

Dostavljeno:

- 1x Naslovu
- 1x Svim poslanicima Skupštine/(skenirano, putem e-maila) 05-03,
- 1x Ministarstvu za boračka pitanja-na znanje
- 1x U spis predmeta/03 „R“

HASAN HANDŽIĆ

Hvala predsjedavajući. Ja se prije svega izvinjavam onima koji su danas preko mene trebali da postave zastupničko pitanje, no, mislim da je ova inicijativa bila prioritet i da je trebala već poodavno vidjeti svjetlo dana. Pokušalo se preko nekih drugih institucija, međutim zbog tromosti i sporosti ja sam danas priđ... prinuđen iako sam dobar dio autor ovog ... ovog projekta da je postavim na ovaj način zbog brzine i kratkoće vremena odnosno potrebe da ona ... da ona vidi svjetlo dana.

Naime, radi se o inicijativi za donošenje Zakona o obilježavanju značajnih datuma i događaja na Zeničko-dobojskom kantonu.

Poštovani, posljednjih godina smo svjedoci da obilježavanje značajnih datuma i događaja iz naše prošlosti sve više poprima karakteristike formalnog, a ne suštinskog značaja. Svjedoci smo također da se značajnim i važnim događajima iz naše prošlosti sa aspekta odabira istih selektivno pristupa što uglavnom zavisi od entuzijazma zainteresovanih i zaduženih lica nosilaca obilježavanja nekih događaja. Svjedoci smo nažalost i činjenice da manifestacijama koje njeguju sjećanja na važne događaje iz naše prošlosti koje se po nekim uslovima i pritiscima zainteresovanih grupa i lica i organizuju prisustvuje vrlo mali broj posjetilaca, a lica iz organa i institucija vlasti uopšte nema. Dokaz je naprimjer obilježavanje 15.04. kao Dana armije Bosne i Hercegovine u Zenici i mnoge druge slične manifestacije na općinskim nivoima širom Kantona. Pri ovome izuzetak čine samo pojedinci koji po službenoj dužnosti vezani za pripremu manifestacije te su kao takvi uključeni u pripreme ili učešće u istim. Nastavak ovakvog stanja je definitivno nedopustivo od strane svih org ... državnih organa, institucija i bilo bi krajnje drsko i bezobrazno što se mora pod hitno zaustaviti. Razloga je mnogo ... mnogo, ali je ovdje ... ću fokus usmjeriti na težinu činjenice, a to su: stotine pa i hiljade lica širom Kantona iz organa državne uprave i javnih institucija rade u istim obezbjeđujući sebi i porodici egzistenciju, kao i druge pogodnosti, ali nikako ne može biti u redu i normalno da istovremeno sva ta lica ignorišu manifestacije koje njeguju temelje naše države i istovremeno su temelji ... temelji njihovog statusa danas. Nije u redu i nije normalno da na manifestacijama organizovano ne učestvuju nastavno osoblje i učenici škola jer im je to pored zabrane izučavanja svoje historije kroz nastavne planove i programe jedina veza sa patriotskim osjećanjima, a djeca koja rastu bez patriotskih osjećanja su kao brod bez kormilara. Organizacija manifestacija koje njeguju sjećanja na značajne datume i događaje do sada su od organa vlasti uglavnom prepuštana nekim boračkim udruženjima ili njihovim savezima koji sa različitim ciljevima, potencijalima, autoritetima i mogućnostima pristupaju ovim aktivnostima, pa se često i dešavaju i različite neprimjerene situacije i događaji koji donose više štete nego koristi. Sve se nažalost svodi na činjenicu koliko će organi vlasti nekom udruženju ili savezu dati novca za ovu ili onu manifestaciju i još se pri tome ponašaju kao da su napravili nekome od njih ustupak i uslugu, što je strašno. Simptomatično je da se i te dotacije iz godine u godinu sve više smanjuju, pa je ovim tendom smanjenja uskoro očekivati izdvajanje od nula KM, a to znači da će se i manifestacije značajnih datuma i događaja uskoro potpuno ugasiti. Mora se sasvim jasno reći udruženjima i njihovim save ... savezima organi vlasti ne trebaju davati finansijska sredstva za organizovanje manifestacija kao da se ti datumu tiču samo njih, nego se mora otpočeti sa novom praksom i sve aktivnosti oko manifestacija značajnih datuma treba da organizuju baš organi vlasti, jer oni predstavljaju državu koja je trajna kategorija, a ne borci kao biološki prolazna kategorija. Borci mogu i trebaju da budu samo gosti takvih manifestacija. Smatram da je krajnje vrijeme da se u ime budućnosti države sa ovakvim ... neodgovornom praksom mora hitno prestati, jer Bosna i Hercegovina i žrtve koje su za nju pale to ne zaslužuju, a ni lica koja se indolentski ponašaju prema značajnim datumima ne zaslužuju da sjede na svojim radnim mjestima što se posebno odnosi na funkcionere državnih organa i institucija. Pošto je izvjesno da pomaka po ovom pitanju od strane državnih organa nema nego čak natpr ... naprotiv posljednji pokazatelji poprimaju dramatične pokazatelje obilježavanja značajnih datuma i događaja iz naše prošlosti

na nivou Zeničko-dobojskog kantona se mora sistematično riješiti Zakonom kojim za organizaciju manifestacije u sankcije treba precizno zadužiti i učiniti odgovornim organe, pojedince i institucije vlasti koji u suštini predstavljaju državu. Njima boračka udruženja i savezi dok postoje mogu samo pomoći a nikako da budu nosioci aktivnosti organizacije manifestacija kao što se činilo do sada, jer će država, njene institucije i omladina koja mora biti u centru zbivanja manifestacija nadživjeti sve borce i sva njihova udruženja i saveze. Postavlja se pitanje šta kada više ne bude boraca? Zašto se ne može više ... zato se ne može više trpiti da institucije vlasti ponašaju kao da obilježavanje značajnih datuma iz naše prošlosti tiče samo boračkih udruženja i saveza, a ne njih koji predstavljaju državu i koji će ... koji su plaćeni da o njoj brinu. Ako lica u državnim organima i institucijama nisu spremni na radikalne promjene u odnosima na značajnim datumima i događajima koji se znaju godinu dana unaprijed i lako ih je planirati ne trebaju se prihvatati javnog posla i posebno javnih funkcija. Neka se onda bave privatnim poslom, mada bi na ovim manifestacijama pored omladine trebali da budu prisutni i privrednici, jer su svi oni zahvaljujući događajima koji stoje iza značajnih datuma ostvarili svoj uspjeh a nikako im ne garantuju da sutra njihova imovina se neće trebati ponovo braniti na način na koji je branjena. Neka se svi bar zapitaju šta bi bilo danas da nemamo svoju državu utemeljenu kroz 25.11. i 01.03.? Šta bi bilo da nije bilo Armije Bosne i Hercegovine, HVO-a i policijskih snaga? Svako normalan će na samo ova dva pitanja naći motive i razloge zašto značajne datume treba masovno obilježavati. Oni koji te odgovore ne nađu u ovim pitanjima neće ni na drugim, a time ne zaslužuju ni brigu ni pažnju društvene zajednice. Ako su ta lica zaposlena u državnim organima i javnim institucijama ne smije se dozvoliti da tamo ubuduće ni trenutka zadrže. U cilju dugoročnog sistematskog rješavanja ove problematike na našem Kantonu u prilogu akta vam dostavljam Zakon o obilježavanju značajnih datuma Zeničko-dobojskog kantona na usvajanje. Namjera mi je da se Zakon što prije stavi u skupštinsku proceduru kako bi prosvjetari svoje obaveze koje iz Zakona proizilaze ugradili u planove vannastavnih aktivnosti već za školsku 2017./18. godinu koja će se izgrađivati na početku iste. Napominjem da učešća škola ... napominjem da učešće škola u implementaciji ovog Zakona niko nikako i ni u čemu ne obuhvata niti čak ne dodiruje nastavne planove i programe obrazovnog procesa nego se planirano učešće škola ogleda kroz posjete različitim manifestacijama koje su školama čak preporučljive i planirale ... planirale bi isključivo planovima vannastavnih aktivnosti. Zbog svega naprijed navedenog molim vas da ... da me u ovome podržite. Da bih bio što ozbiljniji u ovom projektu, Stručnoj službi sam i u pisanoj i u elektronskoj formi već pripremio ovaj Zakon kako bih im skratio vrijeme. Čak sam se potrudio da napravim Pravilnik obilježavanja značajnih datuma i događaja da resorna ministarstva ne bi gubila vrijeme. I ovom prilikom ću predati Stručnoj službi za sve kolege, predsjednike klubova i resorna ministarstva koja će sigurno raditi na ovome imam već pripremljeno u pisanoj formi, a Stručnu službu zamoljavam da im što prije elektronski prebaci. Predsjedavajućeg Skupštine molim kao čovjeka koji samo ... prilikom izlaska za govornicu je prepoznatljiv u patriotskim osjećajima prema ovome o čemu pričam, molim da u što kraćem vremenskom periodu, a ja mu stojim na raspolaganju, napravi jedan sastanak kako bi ovaj Zakon što prije pustili u proceduru i ova inicijativa vidjela svjetlo dana sa svim onim učesnicima koji bi trebali da rade na ovome. Evo hvala vam. Nadam se da ste me razumjeli.

Zastupnik u Skupštini
Zeničko-dobojskog kantona
Hasan Handžić

Skupštini Zeničko-dobojskog kantona

Inicijativa za donošenje Zakona o obilježavanju značajnih datuma i događaja na Zeničko-dobojskom kantonu

Poštovani!

Posljednjih godina smo svjedoci da obilježavanje značajnih datuma i događaja iz naše prošlosti sve više poprima karakteristike formalnog, a ne suštinskog značaja. Svjedoci smo takođe da se značajnim važnim događajima iz naše prošlosti, sa aspekta odabira istih, selektivno pristupa, što uglavnom zavisi od entuzijazma zainteresovanih i zaduženih lica nosilaca obilježavanja nekih događaja. Svjedoci smo nažalost i činjenice da manifestacijama koje njeguju sjećanja na važne događaje iz naše prošlosti, koje se pod nekim uslovima i pritiscima zainteresovanih grupa lica i organizuju, prisustvuje vrlo mali broj posjetilaca, a lica iz organa i institucija vlasti uopšte nema (dokaz je npr. obilježavanje 15.04. kao Dana ABiH u Zenici i mnoge druge slične manifestacije na općinskim nivoima širom Kantona). Pri ovome izuzetak čine samo pojedinci koji su po službenoj dužnosti vezani za pripremu manifestacije, te su kao takvi uključeni u pripreme ili učešće u istim.

Nastavak ovakvog stanja je definitivno nedopustivo, a od strane svih državnih organa i institucija bi i dalje bilo krajnje drsko i bezobrazno, što se mora pod hitno zaustaviti!!! Razloga je mnogo, ali ovdje ću fokus usmjeriti na težišne činjenice, a to su:

- Stotine, pa i hiljade lica širom Kantona iz **organa državne uprave i javnih institucija** rade u istim obezbjeđujući sebi i porodici egzistenciju kao i druge pogodnosti, ali nikako ne može biti u redu i normalno da istovremeno **sva ta lica ignorišu manifestacije** koje njeguju temelje naše državnosti i istovremeno su temelj njihovog statusa danas.

- Nije u redu i nije normalno da na manifestacijama organizovano ne učestvuje nastavno osoblje i učenici škola jer im je to, pored zabrane izučavanja svoje historije kroz nastavne planove i programe, jedina veza sa patriotskim osjećajima, a djeca koja rastu bez patriotskih osjećaja su kao brod bez kormilara.

Organizacija manifestacija koje njeguju sjećanja na značajne datume i događaje do sada su od organa vlasti uglavnom prepuštane nekim boračkim udruženjima ili njihovim savezima koji sa različitim ciljevima, potencijalima, autoritetima i mogućnostima pristupaju ovim aktivnostima, pa se često dešavaju i različite neprimjerene situacije i događaji koji donose više štete nego koristi. Sve se, nažalost, svodi na činjenicu koliko će organi vlasti nekom udruženju ili savezu dati novca za ovu ili onu manifestaciju i još se pri tome ponašaju kao da su napravili nekome od njih ustupak i uslugu, što je strašno. Simptomatično je da se i te dotacije iz godine u godinu sve više smanjuju, pa je ovim trendom smanjenja uskoro očekivati izdvajanja od "0" KM, a to znači da će se i manifestacije značajnih datuma i događaja uskoro potpuno ugasiti.

Mora se sasvim jasno reći: Udruženjima i njihovim savezima organi vlasti ne trebaju davati finansijska sredstva za organizaciju manifestacija kao da se ti datumi tiču samo njih, nego se mora otpočeti sa novom praksom i sve aktivnosti oko manifestacija značajnih datuma treba da organizuju baš organi vlasti, jer oni predstavljaju državu koja je trajna kategorija, a ne borci kao biološki prolazna kategorija. Borci mogu i trebaju da budu samo gosti takvih manifestacija.

Smatram da je krajnje vrijeme da se u ime budućnosti države sa ovakvom neodgovornom praksom mora hitno prestati, jer Bosna i Hercegovina i sve žrtve koje su za nju pale to ne zaslužuju. A ni lica

koja se indolentski ponašaju prema značajnim datumima, ne zaslužuju da sjede na svojim radnim mjestima, što se posebno odnosi na funkcionere državnih organa i institucija.

Pošto je izvjesno da pomaka po ovom pitanju od strane državnih organa nema, nego čak naprotiv, posljednji pokazatelji poprimaju dramatične pokazatelje, obilježavanje značajnih datuma i događaja iz naše prošlosti na nivou Zeničko-dobojskog kantona se mora sistematično riješiti Zakonom kojim za organizaciju manifestacija uz sankcije treba precizno zadužiti i učiniti odgovornim organe, pojedince i institucije vlasti koji u suštini i predstavljaju državu. Njima boračka udruženja i savezi dok postoje mogu samo pomoći, a nikako da budu nosioci aktivnosti organizacije manifestacija, kao što se činilo do sada, jer će država, njene institucije i omladina koja mora biti u centru zbivanja manifestacija, nadživiti sve borce i sva njihova udruženja i saveze. Postavlja se pitanje: šta kada više ne bude boraca? **Zato se ne može više trpiti da se institucije vlasti ponašaju kao da se obilježavanje značajnih datuma iz naše prošlosti tiče samo boračkih udruženja i saveza, a ne njih koji predstavljaju državu i koji su plaćeni da o njoj brinu.** Ako lica u državnim organima i institucijama nisu spremni na radikalne promjene u odnosu prema značajnim datumima i događajima koji se znaju godinu dana unaprijed i lahko ih je planirati, ne trebaju se prihvatati javnog posla i posebno javnih funkcija. Neka se onda bave privatnim poslom, mada bi na ovim manifestacijama, pored omladine, trebali da budu prisutni i privrednici, jer su svi oni zahvaljujući događajima koji stoje iza značajnih datuma, ostvarili i svoj uspjeh, a niko im ne garantuje da sutra njihovu imovinu neće trebati ponovo puškom čuvati.

Neka se svi zapitaju:

- Šta bi bilo danas da nemamo svoju državu utemeljenu kroz 25.11. i 01.03. ?
- Šta bi bilo da nije bilo Armije BiH (15.04.), HVO i policijskih snaga?

Svako normalan će na samo ova dva pitanja naći motive i razloge zašto značajne datume treba masovno obilježavati. Oni koji te odgovore ne nađu na ovim pitanjima neće ni na drugim, a time ne zaslužuju ni brigu ni pažnju društvene zajednice!!! A ako su ta lica zaposlena u državnim organima i javnim institucijama, ne smije se dozvoliti da se tamo ubuduće ni trenutka zadrže.

U cilju dugoročnog i sistematičnog rješavanja ove problematike na našem Kantonu, u prilogu akta Vam dostavljam Zakon o obilježavanju značajnih datuma i događaja Ze-do kantona na usvajanje. Namjera mi je da se Zakon što prije stavi u skupštinsku proceduru kako bi prosvjetari svoje obaveze koje iz Zakona proizilaze **ugradili u planove vannastavnih aktivnosti već za školsku 2017/18 godinu** koje će izrađivati na početku iste.

Napominjem da učešće škola u implementaciji ovog Zakona nikako i ni u čemu ne obuhvata, niti čak dodiruje nastavne planove i programe obrazovnog procesa, nego se planirano učešće škola ogleda kroz posjete različitim manifestacijama koje su školama čak preporučljive i planirale bi se **isključivo planovima vannastavnih aktivnosti.**

Zbog svega naprijed navedenog, molim Vas da hitno poduzmete odgovarajuće mjere na ubrzanom usvajanju ovog Zakona, a da se ne gubi dragocjeno vrijeme, Vladi sam pripremio i Pravilnik koji bi pratio Zakon kao podzakonski akt.

S poštovanjem

Zenica, 14.06.2017.god.

Zastupnik
Hasan Handžić

Prilog:

- Zakon o obilježavanju značajnih datuma i događaja na području Zeničko-dobojskog kantona

Zastupnik u Skupštini
Zeničko-dobojskog kantona
Hasan Handžić

Z A K O N
O OBILJEŽAVANJU ZNAČAJNIH DATUMA I DOGAĐAJA NA PODRUČJU
ZENIČKO-DOBOJSKOG KANTONA

Zenica, 2017.godine

Na osnovu inicijative zastupnika u Skupštini Zeničko-dobojskog kantona Hasana Handžića, a u skladu sa Ustavom Zeničko-dobojskog kantona: član 18. alineja d), f), lj), m) ; član 37. pod h), član 68. pod k), član 75. pod e) i član 82. pod a), c), d), i h), Skupština Zeničko-dobojskog kantona na svojoj sjednici održanoj dana _____ 2017.godine, donijela je

Z A K O N

O OBILJEŽAVANJU ZNAČAJNIH DATUMA I DOGAĐAJA NA PODRUČJU ZENIČKO-DOBOJSKOG KANTONA

I OSNOVNE ODREDBE

Član 1.

(Predmet Zakona)

Ovim Zakonom utvrđuju se značajni datumi i događaji na području Zeničko-dobojskog kantona (u daljem tekstu: Kanton), te se uređuje način obilježavanja značajnih datuma i događaja, a naročito: pregled značajnih datuma i događaja od značaja za državu BiH, Kanton i jedinice lokalne samouprave, priprema i provođenje aktivnosti obilježavanja, posjetioci manifestacija i način finansiranja.

Član 2.

(Primjena odredaba Zakona)

Odredbe ovog Zakona primjenjuju se na području Kantona.

Član 3.

(Cilj Zakona)

Cilj ovog Zakona je očuvanje tekovina antifašizma, državnosti i suverenosti Bosne i Hercegovine njegujući sjećanja na događaje iz odbrambeno-oslobodilačkog rata 1941-1945. i 1992-1995. godine.

II ZNAČAJNI DATUMI I DOGAĐAJI

Član 4.

(Značajni datumi i događaji)

1) Značajni datumi i događaji koji se obilježavaju na nivou Kantona, a od značaja za državu Bosnu i Hercegovinu i Kanton su:

- a) Dan državnosti Bosne i Hercegovine..... 25.11.
- b) Dan nezavisnosti Bosne i Hercegovine 01.03.
- c) Dan pobjede nad fašizmom 09.05.
- d) Dan formiranja Zeničko-dobojskog kantona29.08.
- e) Dan formiranja Armije Bosne i Hercegovine 15.04.
- f) Dan formiranja Hrvatskog vijeća odbrane08.04.
- g) Dan formiranja 3. Korpusa Armije BiH01.12.

2) Značajni datumi i događaji koji se obilježavaju na nivou grada/općine od značaja za jedinice lokalne samouprave su:

- a) Dan državnosti Bosne i Hercegovine..... 25.11.
- b) Dan nezavisnosti Bosne i Hercegovine 01.03.
- c) Dan formiranja Armije Bosne i Hercegovine 15.04.
- d) Datumi i događaji određeni Zakonom o principima lokalne samouprave
FBiH Službene novine FBiH br. 49/06, 51/09 i Statutima općina

Posebnim godišnjim planovima obilježavanja značajnih datuma i događaja Vlade Zeničko-dobojskog kantona i načelnika općina, mogu se utvrditi i drugi datumi za obilježavanje koji su od društvenog značaja.

III PLANIRANJE AKTIVNOSTI

Član 5.

(Nosioци aktivnosti)

Nosioци aktivnosti obilježavanja značajnih datuma i događaja su:

- a) Za manifestacije na nivou Kantona - Vlada Kantona.
- b) Za manifestacije na nivou jedinica lokalne samouprave - Načelnici općina

Član 6.

(Planiranje i sadržaj aktivnosti)

- 1) Plan aktivnosti obilježavanja značajnih datuma i događaja na nivou Kantona priprema Ministarstvo za pitanje boraca i ratnih vojnih invalida (u daljem tekstu: Ministarstvo).
- 2) Plan aktivnosti na prijedlog Ministarstva donosi Vlada Kantona.
- 3) Plan aktivnosti se donosi na period od jedne godine.
- 4) Ministarstvo je dužno Vladi Kantona podnijeti izvještaj o provođenju aktivnosti utvrđenih Planom aktivnosti za obilježavanje značajnih datuma i događaja iz svoje nadležnosti, i informativno sumarni izvještaj po općinama.
- 5) Na osnovu izvještaja i analize provedenih aktivnosti, Vlada će za svoj nivo jedanput godišnje donositi mjere za njihovo unapređenje, a jedinicama lokalne samouprave iste mjere, uz sugestije, davati na znanje.

Član 7.

- 1) Plan aktivnosti obilježavanja značajnih datuma i događaja na nivou jedinica lokalne samouprave na prijedlog Načelnika donosi Općinsko vijeće.
- 2) Plan aktivnosti se donosi na period od jedne godine.
- 3) Načelnici su dužni Općinskim vijećima podnijeti izvještaj o provedenim aktivnostima za obilježavanje značajnih datuma i događaja, te isti na znanje dostaviti i Ministarstvu
- 4) Na osnovu izvještaja i analize provedenih planova obilježavanja značajnih datuma i događaja, Načelnici će Općinskim vijećima predlagati mjere za unapređenje stanja po ovoj oblasti.

Član 8.

Planovima aktivnosti će se utvrditi: naziv manifestacije, mjesto obilježavanja, vrijeme, sadržaj, posjetioci, gosti i finansijski pokazatelji.

U godišnjim planovima obavezno planirati masovne centralne manifestacije najmanje za jedan datum državnog značaja i jedan datum koji se odnosi na Armiju BiH.

Član 9.

Od sadržaja aktivnosti na obilježavanju značajnih datuma i događaja mogu se planirati: održavanje svećanih akademija i svećanih sjednica Skupštine Kantona i općinskih vijeća, obilazak mezarja i muzeja, počasti, prigodne kulturne i sportske priredbe, naučni skupovi i tribine vezani za značajne datume, izdavanje prikladnih publikacija, živi časovi historije, prigodni koncerti, takmičenja u poznavanju historije, uručenje nagrada za rezultate postignute na projektima značajnih datuma, te učešće vojske i omladine.

Član 10.

IV POSJETIOCI MANIFESTACIJA

Član 10.

Posjete centralnim manifestacijama koje su utvrđene planovima iz čl. 6. i 7. ovog Zakona, obavezni su ispoštovati slijedeća lica:

- a) Zastupnici Skupštine Kantona na aktivnostima Kantona, a općinski vijećnici na aktivnostima pripadajućih općina
- b) Sva lica uposlena u Vladi Kantona na aktivnostima Kantona, a uposlenici općinskih uprava na aktivnostima pripadajućih općina
- c) Funkcioneri i uposlenici javnih ustanova i javnih preduzeća Kantona i pripadajućih općina
- d) Članovi upravnih i nadzornih odbora javnih ustanova i preduzeća Kantona i općina

e) Ako je manifestacija na otvorenom prostoru, svi učenici i uposlenici srednjih i viših razreda (8-9) osnovnih škola, a ako je manifestacija u zatvorenom prostoru, rukovodstvo škole sa nastavnicima historije i 3-5 predstavnika učenika iz svih odjeljenja srednjih škola i viših razreda (8-9) osnovnih škola.

Pored navedenih lica koja su obavezna prisustvovati centralnim manifestacijama, javnim i drugim pozivima organizator manifestacije poziva i lica aktuelna za događaj koji se obilježava (ugledne građane angažovane u ostvarivanju javnog interesa, ratne komandante, predstavnike boračkih organizacija, privrednike i dr.).

Član 11.

U svim aktivnostima čiji je nosilac Vlada Kantona obavezni su prisustvovati organi i institucije grada Zenica (navedeni u čl.10) ako se manifestacija održava u Zenici, odnosno, lica iz jedinice lokalne samouprave na kojoj se kantonalna manifestacija realizuje.

Ako Vlada sa nadležnim organima lokalnih samouravnih jedinica usaglasi, u ime Kantona i uz njegovu saglasnost, neku manifestaciju može prirediti i lokalna samourava, s tim da istoj shodno čl. 10., prisustvuju uposlenici organa i institucija Kantona kao svojoj manifestaciji.

Član 12.

Odgovorna lica državnih organa i institucija u vrijeme trajanja manifestacije (1-2 sata), a shodno članu 10., uz odgovarajuću evidenciju dužni su na manifestaciji obezbjediti prisutnost radnog osoblja, s tim da u organima i institucijama obezbjede minimum lica za prijem nenajavljenih stranaka.

Vrijeme provedeno na manifestaciji se računa u fond aktivnih radnih sati.

V NAČIN FINANSIRANJA

Član 13.

Sredstva za finansiranje obilježavanja značajnih datuma i događaja obezbjeđuju se:

- a) Za aktivnosti na nivou Kantona iz Budžeta Kantona
- b) Za aktivnosti na nivou jedinica lokalne samouprave iz njihovih Budžeta
- c) Za aktivnosti koje organizuje Vlada sa nekom od općina, obezbjeđuje Vlada, uz mogućnost da ih dogovorno snosi sa konkretnom Općinom

VI NADZOR

Član 14.

Nadzor nad provođenjem ovog Zakona vrši Vlada Zeničko-dobojskog kantona i Općinska vijeća.

O provođenju Zakona, Skupštini Kantona Vlada jedanput godišnje dostavlja izvještaj, a Općinskim vijećima, isti izvještaj dostavljaju Načelnici općina.

VII PRELAZNE I ZAVRŠNE ODREDBE

Član 15.

(Rokovi za donošenje kantonalnog i općinskih planova obilježavanja)

Planove iz članova 6. i 7. ovog Zakona Vlada Kantona i Općinska vijeća donosit će najdalje do juna mjeseca za narednu godinu i sa istim će upoznati sve pripadajuće škole.

Ministarstvo za obrazovanje, nauku, kulturu i sport Kantona će, na osnovu planova u prethodnom stavu, do kraja mjeseca jula svim školama dostaviti instrukciju za izradu planova vannastavnih aktivnosti za narednu školsku godinu sa učešćem škola u planiranim manifestacijama.

Član 16.

Obaveza Vlade Zeničko-dobojskog kantona je da uporedo sa donošenjem ovog Zakona usvoji i Pravilnik o obilježavanju značajnih datuma i događaja na nivou Zeničko-dobojskog kantona.

Član 17.
(Kaznene odredbe)

Za lica zakonodavnih organa vlasti (član 10. a) koja se ne odazovu centralnim manifestacijama pokretati disciplinski postupak pred nadležnim tijelima istih institucija za kodeks ponašanja zastupnika/vijećnika i to javno publikovati.

Za lica izvršnih organa vlasti i svih javnih institucija (član 10. pod: b), c), e) koja se ne odazovu manifestacijama po važećim planovima, provoditi disciplinski postupak za težu povredu radne discipline.

Licima koja se ne odazovu manifestacijama koja su navedena u članu 10. pod d) uskraćivati povjerenje za vršenje iste i sličnih dužnosti u narednom periodu.

Član 18.

Ovaj Zakon stupa na snagu danom objavljivanja u Službenom glasniku Zeničko-dobojskog kantona.

Zenica, __.__. 2017.god.

Predsjedavajući Skupštine

O B R A Z L O Ž E N J E

I USTAVNI OSNOV

Ustavni osnov za donošenje Zakona o značajnim datumima i događajima Zeničko-dobojskog kantona sadržan je u Ustavu Zeničko-dobojskog kantona i to: članu 18. alineja d), f), lj), m) ; članu 37. pod h), članu 68. pod k), članu 75. pod e) i članu 82. pod a), c), d), i h).

II RAZLOZI ZA DONOŠENJE ZAKONA

Razlog za donošenje ovog Zakona je uređenje ove oblasti, sa ciljem obezbjeđenja pretpostavki za trajno, sistematično i dostojanstveno organizovanje obilježavanja značajnih datuma i događaja na području Kantona, što do sada nije bio slučaj.

Ovaj Zakon treba da prekine praksu formalnih manifestacija koje su različitim pristupom, odnosom, odgovornošću, iskustvom i posvećenošću često organizovala različita udruženja i savezi boračkih organizacija, što vrlo često nije bilo primjereno značaju samog događaja koji se obilježavao, te se takvim činom devalvirao i sam događaj i država u ime koje se događaj obilježava.

Ovaj Zakon treba da prekine i praksu neposjećivanja ovih manifestacija, a posebno od strane lica koja rade u državnim organima i mnogim javnim institucijama koje po svojoj nadležnosti predstavljaju državu, što je apsurd, licemjerno i dalje nedopustivo. U manifestacijama iz organa vlasti do sada po pravilu učestvuju samo lica koja su po funkcionalnoj dužnosti uključena u pripremu i realizaciju manifestacija. Strašna je činjenica da lica državnih organa i institucija svojim neprisustvom manifestacijama ignorišu simbole države i državnosti, a od iste države istovremeno primaju platu i druge beneficije. Ako nisu spremni za državu koju predstavljaju planski godišnje izdvojiti 2-4 sata koji su im uz to još i plaćeni, njima jednostavno ne treba dozvoliti da rade u institucijama iste te države!


Strašna je i činjenica da ovim manifestacijama ne prisustvuje školska omladina, iako su manifestacije obilježavanja značajnih datuma i događaja potrebne baš njima, a ne borcima bilo koje kategorije. Ako je tačno da se djeca o historiji iz proteklog rata ne mogu educirati po nastavnim planovima, nije nikome i ničim zabranjeno da se djeca organizovano ne dovode na manifestacije koje obilježavaju značajne datume. Jedini je uslov da se to planira planom vannastavnih aktivnosti na početku svake školske godine, što je do sada bilo svedeno isključivo na volju nastavnog osoblja.

Ako se ugase simboli države i državnosti, što je neminovno trendom koji imamo, neminovno je da će se u dogledno vrijeme ugasi i država. A da se to ne bi dogodilo, krajnje je vrijeme da se hitno poduzmu radikalne promjene u odnosu prema ovoj oblasti. S toga organizaciju manifestacija obilježavanja značajnih datuma i događaja moraju u punom kapacitetu preuzeti državni organi i institucije i za isto snositi kolektivnu i pojedinačnu odgovornost, a ne boračka udruženja. To je nužno zbog toga jer će te institucije nadživiti sve borce i sva boračka udruženja i njihove saveze koji su prolazna kategorija, za razliku od države i državnosti koja je trajna. A na kraju, lica zaposlena u državnim organima i institucijama su plaćena da rade za državu i kroz to u punom kapacitetu imaju riješen svoj status. Kao takvi, imaju obavezu djelovati prvo ličnim primjerom i omladini, pored obrazovnog, jačanjem njihovih patriotskih osjećaja kroz manifestacije, davati i odgojni karakter, što do sada nije činjeno!

III FINANSIJSKI EFEKTI ZAKONA

Zakon u predloženom obliku ne iziskuje nikakve nove troškove u odnosu kakvi su bili u dosadašnjem periodu. Čak naprotiv, primjenom ovog Zakona kroz državne institucije sredstva za manifestacije će biti transparentnija, a i racionalnija. Posebno je važno naglasiti da će Vlada imati čak manje troškove, jer neke centralne manifestacije po ovom Zakonu može organizovati zajedno sa općinama (a prevashodno sa općinom Zenica jer se nalaze u istom gradu), što do sada nije bio slučaj.

Na osnovu naprijed navedenog, Zakon je ustavan, izuzetno društveno koristan, bez novih finansijskih izdataka i apsolutno provediv.

Predlagач:

/zastupnik Hasan Handžić/

Na osnovu člana 4. stav 3. i člana 16. Zakona o obilježavanju značajnih datuma i događaja na nivou Zeničko-dobojskog kantona (u daljem tekstu:Kanton), Ministar za boračka pitanja Kantona donosi

P R A V I L N I K
O OBILJEŽAVANJU ZNAČAJNIH DATUMA I DOGAĐAJA NA NIVOU
ZENIČKO-DOBOJSKOG KANTONA

I OPĆE ODREDBE

Član 1.

(Predmet Pravilnika)

Ovim Pravilnikom uređuje se način organiziranja manifestacija i odavanja počasti koje su upriličene povodom obilježavanja značajnih datuma i događaja iz prošlosti Bosne i Hercegovine, Kantona i jedinica lokalne samouprave, kao i način sudjelovanja učesnika, gosta i posjetilaca manifestacija, kao i druga pitanja od važnosti za uspješnu organizaciju manifestacija navedenim povodom.

Član 2.

(Definicije)

U svrhu tumačenja i primjene ovog Pravilnika definicije korištenih pojmova u istom imaju slijedeća značenja:

- a) **Manifestacija** je skup radnji i postupaka koji se organizirano planiraju i provode povodom obilježavanja značajnih datuma i događaja utvrđenih Zakonom o obilježavanju značajnih datuma i događaja na nivou Kantona. Manifestacije uglavnom imaju obilježja svečanog događaja, pa se često mogu smatrati i svečanostima.
- b) **Počast** je aktivnost kojom sva prisutna lica na manifestaciji iskazuju poštovanje i to: državnoj himni, poginulim borcima i prilikom polaganja cvijeća na obilježja poginulim borcima.
- c) **Nosilac manifestacije** je državni organ odgovoran za planiranje, pripremu, realizaciju, izvještavanje, analizu i unapređenje manifestacija
- d) **Saradnici manifestacije** su institucije, pravna i fizička lica koja su prihvatila obavezu da budu zaduženi za pripremu i realizaciju samo nekih od sadržaja manifestacije planiranih u protokolu
- e) **Učesnici manifestacije** su lica koja su uključena u protokalarni program
- f) **Gosti manifestacije** su ugledna lica iz javnog života i vremena i događaja koji se obilježavaju, a koja su pozivnicama pozvana na manifestaciju
- g) **Posjetioци manifestacije** su lica koja su obavezna doći (iz državnih organa, institucija i škola) i lica (građani) koja su pozvana javnim pozivom kao posmatrači.
- h) **Centralna manifestacija** smatra se događaj koji je godišnjim planom predviđen kao takav, a koji treba da obezbjedi što veću masovnost posjetilaca, dok za razliku od takvog događaja mogu se organizirati i druge manifestacije manjeg obima i sa manjim brojem učesnika (kao npr. naučni skupovi, tribine, izdavanje publikacija i sl.). Centralna manifestacija je načelno svečana akademija koja se može organizirati na otvorenom i u zatvorenom prostoru.

II NOSIOCI I VRSTE MANIFESTACIJA

Član 3.

(Vrste manifestacija)

(1) Manifestacije povodom obilježavanja značajnih datuma i događaja za koje je odgovorna Vlada Kantona su:

- a) Praznici Bosne i Hercegovine
- b) Dan Kantona
- c) Dan Armije BiH
- d) Dan Hrvatskog vijeća odbrane
- e) Dan 3. Korpusa Armije BiH
- f) Dan policije ???
- g)

(2) Manifestacije povodom obilježavanja značajnih datuma i događaja za koje su odgovorne jedinice lokalne samouprave su:

- a) Praznici Bosne i Hercegovine
- b) Dan Armije BiH
- c) Ostali značajni datumi definirani Statutima jedinica lokalne samouprave

(3) Manifestacije povodom obilježavanja značajnih datuma i događaja koje mogu organizirati mjesne zajednice, a koje su u tom slučaju za iste i odgovorne, su:

- a) Dan mjesne zajednice
- b) Značajni datumi iz prošlosti od značaja za lokalnu sredinu

Član 4.

(Vrste manifestacija)

Kao zasebne aktivnosti u manifestacijama povodom obilježavanja značajnih datuma ili, više njih, mogu se organizirati:

- Svečane akademije
- Polaganje cvijeća na spomen obilježja
- Živi časovi historije
- Naučni skupovi, okrugli stolovi i tribine o događajima koji se obilježavaju
- Koncerti sa prikladnim sadržajem
- Marševanja
- Kulturno-sportski događaji
- Izdavanje publikacija koje obrađuju tematiku događaja koji se obilježava

Član 5.

(Počasti)

Pored aktivnosti navedenih u članu 4., sastavni dio manifestacija mogu biti i počasti koje se iskazuju državnoj himni, državnoj zastavi i žrtvama rata.

Počast himni i zastavi se vrši mirujući u stojećem stavu sve dok se himna intonira, odnosno dok se zastava podiže ili pronosi.

Počast žrtvama rata se iskazuje jednominutnim stajanjem kao u prethodnom stavu, s tim da se istovremeno prisutni mogu pozvati na učenje Fatihe.

III PROTOKOL I SADRŽAJ MANIFESTACIJA

Član 6.

(Sadržaj protokola)

Za svečano obilježavanje značajnih datuma i događaja svaki nosilac aktivnosti priprema protokol koji načelno sadrži:

- a) Intoniranje državne himne BiH

- b) Obraćanje nosioca svečanosti navođenjem razloga i povoda za organizaciju iste
- c) Obraćanje gosta
- d) Obraćanje predstavnika vlasti sa višeg nivoa
- e) Ispraćaj gostiju

Ako je protokolom predviđeno učešće počasnog voda vojske BiH, isti se na adekvatno mjesto postrojava prije intoniranja himne i na istom mjestu prati realizaciju cjelokupnog protokola.

Član 7.

U protokolu za svečanost mogu se planirati prikladni kulturno-umjetnički sadržaji, odnosno, samo oni koji veličaju patriotizam i ljubav prema domovini i njenim narodima uopšte i to:

- Recitali
- Pjesme
- Pozorišni komadi i
- Uručenje nagrada omladini za rezultate u provedenim takmičenjima povodom značajnih događaja koji se obilježavaju

IV NAČIN PLANIRANJA I IZVJEŠTAVANJA

Član 8.

(Plan obilježavanja značajnih datuma i događaja)

Godišnji plan obilježavanja značajnih datuma i događaja na nivou Kantona i jedinica lokalne samouprave se izrađuje tabelarno sa slijedećim pokazateljima:

Red /br	Naziv manifestacije	Mjesto održavanja	Vrijeme održavanja	Posjetioci	Iznos KM	Primjedba

Član 9.

Za posjete manifestacijama koje organizuju nadležne institucije svojim godišnjim planovima, Planom vannastavnih aktivnosti u školama, škole planiraju svoje radno osoblje i učenike.

Član 10.

(Izveštaj o realizaciji manifestacije)

Izveštaj o realizaciji manifestacija koje obilježavaju značajne datume i događaje na nivou Kantona i jedinica lokalne samouprave se izrađuju po slijedećim tačkama:

- Pripreme (po planiranim sadržajima)
- Tok izvođenja
- Odziv na manifestaciju (gosta i posjetilaca)
- Ispoljene slabosti

Član 11.

(Analiza realizacije manifestacija)

Analize o realizaciji manifestacija koje obilježavaju značajne datume i događaje na nivou Kantona i jedinica lokalne samouprave se izrađuju za svaku manifestaciju posebno i godišnje koja sumarno obuhvata sve manifestacije po slijedećim tačkama:

- Pozitivna iskustva
- Negativna iskustva
- Prijedlog mjera za unapređenje

Svaka od navedenih tačaka obuhvata obradu navedenih pitanja za izradu izvještaja (navedena u članu 8.).

V NAČIN ORGANIZIRANJA MANIFESTACIJA

Član 12.

Značajne datume i događaje organizuju nivoi vlasti u skladu sa članom 4. Zakona na prostoru unutar svojih administrativnih granica.

Shodno prethodnom stavu, manifestacije kantonalnog nivoa mogu se organizirati na prostoru Kantona. S toga, ukoliko se kantonalne manifestacije planiraju na prostoru neke od lokalnih administrativnih jedinica, Vlada je dužna te manifestacije usaglasiti i objediniti sa istim manifestacijama lokalne samouprave i realizirati ih u svojoj nadležnosti. U tom slučaju troškove manifestacije Vlada može dogovorom dijeliti sa konkretnom jedinicom lokalne samouprave.

Član 13.

(Isticanje zastava i obilježja)

- (1) Na svim manifestacijama obavezno je isticanje zastave Bosne i Hercegovine.
- (2) Ostale zastave i obilježja koja se na manifestacijama mogu isticati su: zastave ratnih jedinica, policijskih snaga, prva državna zastava sa ljiljanima i grbovi ratnih jedinica.
- (3) Zabranjeno je isticati transparente sa bilo kakvim provokativnim natpisima protiv bilo koga ili protiv bilo čega.
- (4) Zabranjeno je isticati bilo koje zastave i druga obilježja političke orijentacije

Član 14.

(Odijevanje)

Svi učesnici manifestacije moraju biti dostojanstveno odjeveni. Učesnicima sa oskudnom odjećom ne dozvoliti učestvovanje u programu.

Član 15.

(Nošenje oružja)

Na svim manifestacijama strogo je zabranjeno nositi bilo kakvo oružje, osim službenim ovlaštenim licima i počasnomvodu (ako je angažovan).

Član 16.

(Politička neutralnost)

- (1) Manifestacije bilo koje vrste i sadržaja ne mogu se koristiti u političke svrhe, niti za bilo kakvu aktivnost političkih stranaka.
- (2) Svi govornici na manifestacijama obavezni su se pridržavati odredbi zakona Bosne i Hercegovine i podržavati provođenje Općeg okvirnog sporazuma za mir u Bosni i Hercegovini.

VI PRISUTNOST MANIFESTACIJAMA

Član 17.

(Prisutnost manifestacijama državnih organa i institucija)

Sa rukovodnim licima organa i institucija, nosilac aktivnosti je dužan blagovremeno provesti odgovarajuće pripreme za njihovo prisustvovanje manifestacijama.

U pripremama manifestacija rukovodna lica državnih organa i institucija posebnu pažnju su dužna posvetiti pripremi lica kojima su na radnom mjestu nadređeni.

Pripreme obuhvataju prisutnost, primjerno ponašanje i mjere sigurnosti lica na centralnim manifestacijama.

Član 18.

(prisutnost manifestacijama nastavnog osoblja i učenika)

Za prisutnost manifestacijama radnog osoblja i učenika srednjih i viših razreda (8-9) osnovnih škola odgovorni su rukovodni organi i nastavno osoblje tih javnih institucija.

Procedure priprema osoblja i učenika, njihovo učešće, mjere sigurnosti i druga bitna pitanja, propisat će Ministarstvo obrazovanja.

Član 19.

Svim manifestacijama koje nemaju karakter centralne manifestacije, obavezni su prisustvovati starješine i pomoćnici državnih organa i javnih institucija.

Član 20.

O prisutnosti lica manifestacijama koja su na to obavezna, odgovorna lica organa i institucija su dužna voditi odgovarajuću evidenciju.

Član 21.

Licima koja su prisustvovala manifestacijama vrijeme provedeno na istim se računa u aktivno radno vrijeme, a neodgovorna lica koja nisu prisustvovala manifestacijama, disciplinski sankcionisati za težu povredu radne discipline.

VII PUBLIKOVANJE

Član 22.

Sve manifestacije obuhvaćene planom obilježavanja značajnih datuma i događaja nosilac aktivnosti je dužan blagovremeno javno publikovati putem elektronskih i štampanih medija.

Broj, _____
Zenica, 2017.god.

Ministar



**ORGANIZACIJA PORODICA ŠEHIDA I POGINULIH BORACA FEDERACIJE BIH
ORGANIZACIJA PORODICA ŠEHIDA I POGINULIH BORACA
ZENIČKO-DOBOJSKOG KANTONA**

UPRAVNI ODBOR -

Broj:81-07/2017
Zenica, 28.07.2017. godine

5238

ZENIČKO-DOBOJSKI KANTON	
Priloga	31-07-2017
Opis sad.	
13 + 02	8974
	1

7609

17

**MINISTARSTVO ZA BORAČKA PITANJA
ZENIČKO-DOBOJSKOG KANTONA**

Predmet: Mišljenje po Inicijativi Hasana Handžića za donošenje Zakona o obilježavanju značajnih datuma i događaja na području ZDK

Na sjednici Upravnog odbora naše Organizacije održanoj 21.07.2017. razmatrana je Inicijativa Hasana Handžića uz priloženi materijal Zakona o obilježavanju značajnijih datuma i događaja na području Zeničko-dobojskog kantona. S tim u vezi Upravni odbor je donio slijedeću Odluku:

- Odbacuje se u potpunosti prijedlog Zakona o obilježavanju značajnijih datuma i događaja na području ZDK, zastupnika u Skupštini Ze-do kantona gosp. Hasana Handžića. Stav našeg Upravnog odbora jeste da navedeni Zakon može samo predlagati Ministarstvo za boračka pitanja zdk, koji bi prijedlog Zakona sačinili zajedno sa temeljnim boračkim organizacijama.

U posljednje dvadesetdvije godine od završetka rata boračke organizacije su bile nosioci obilježavanja značajnijih datuma iz prethodnog rata, i nisu dozvolili da se zaborave svi oni koji su zaslužni za postojanje današnje nam domovine. Podržavamo što masovnije učešće institucija svih nivoa organizovanja, ali direktni i indirektni učesnici rata trebaju ostati glavni organizatori svih manifestacija.

S poštovanjem

Dostavljeno:
1x a/a
1x naslovu (e-mail)



Predsjednica UO
Mahmutagić Fatima

Bosna i Hercegovina, Zenica, Kralja Tvrtka I br.17.(kanc.248)
IDB:4218281490001; SPARKASSE BANKA, Poslovnica Zenica 1990510007041858
Telefon; 032/245 363; mobitel: 061 853 495, e-mail: opsipbzdk@hotmail.com



1237 2595
ZENIČKO-DOBOJSKI KANTON
Prihvaćeno: 01.07.2017

Pod.	Kvalifik. oznaka	Mesni broj	Šifra opć.
13	02	8974	2/17

BOSNA I HERCEGOVINA
SAVEZ RVI BOSNE I HERCEGOVINE
SAVEZ RVI ZENIČKO-DOBOJSKOG KANTONA
- ZENICA -

Broj: 1 / 01 – 145 / 17
Zenica, 28.7.2017.godine

ZENIČKO-DOBOJSKI KANTON
Ministarstvo za boračka pitanja

Predmet: **Mišljenje po inicijativi Hasana Handžića za donošenje Zakona o obilježavanju značajnih datuma i događaja na području ZDK – dostavlja se,**

Veza Vaš akt broj 13/02-02-8974-2/17 od 13.7.2017.godine

Poštovani!

Savez ratnih vojnih invalida Zeničko-dobojskog kantona je ranije predlagao rješavanje pitanja obilježavanja značajnih datuma na način da se to sistemski riješi, da se zna nosilac, izvršilac, organizator, finansijer, i sve drugo što prati obilježavanje jednog značajnog datuma, da se obilježavanje istog planira na vrijeme o čemu bi mogli biti upoznati svi oni koji žele dati svoj doprinos kako u organizaciji tako i učešću, nažalost naš prijedlog nije prihvaćen.

Predložena rješenja u inicijativi predlagaća Zakona su dobra, obzirom da se podudara sa našim ranijim prijedlogom po ovom pitanju.

Međutim, da bi se dalo adekvatno mišljenje ili prijedlozi za formu teksta Nacrta ili Prijedloga Zakona potrebno je puno više vremena od datih nekoliko dana za mišljenje na isti, potrebno je da o istom upoznamo općinska/gradska udruženja (svoje članice), da iste daju svoja mišljenja i prijedloge obzirom da inicijator Zakona stavlja određene obaveze i lokalnoj zajednici, a ne samo Kantonu, itd.


Ono što u ovome trenutku možemo kazati je da se nebi trebala nametati obaveza nikome za učešće u aktivnostima koje proističu iz iniciranog Zakona, da se u okviru postojećih zakonskih rješenja pokuša odbrambeno-oslobodilački rat “približiti” našoj djeci u školama, da li kroz vannastavne aktivnosti ili kroz redovne časove istorije o tome je potrebno razgovarati.

I na kraju ovom prilikom želimo kazati da se datumi od značaja za državu Bosnu i Hercegovinu nebi trebali obilježavati na nižim nivoima (kantonima, općinama/gradovima) kako je to bila praksa do sada, jer se slabi značaj datuma državnog značaja, a da se da puni doprinos učešćem u obilježavanju tih datuma (organizovani odlasci, npr. manifestacija odbrana BiH- Igman).

Vjerujemo da će biti više vremena da se detaljnije uradi analiza iniciranog teksta Zakona, da se istim da više prostora lokalnim zajednicama da u saradnji sa Kantonom definišu “svoje” značajne datume i događaje, pa i ličnosti, kao i način realizacije, a da se formira zajednička Komisija nadležnih u Vladi i Skupštini ZDK da zajedno sa predstavnicima boračkih organizacija Zeničko-dobojskog kantona, utvrde tekst akta kojim bi se rješilo ovo pitanje.

S poštovanjem!






Suabnor ZDK <suabnorzdk@gmail.com>

SUABNOR.ZDK

1 message

Suabnor ZDK <suabnorzdk@gmail.com>
To: Aida Topcic <aida.topcic@zdk.ba>



Tue, Aug 1, 2017 at 10:33 AM

KOREKCIJA PRVOBITNOG STAVA PO INICIJATIVI

Poštovani,

Obzirom da smo Vam dostavili prvobitno mišljenje o Inicijativi poslanika Hasana Handžića o uvođenju u Skupštinsku proceduru Zakona o obilježavanju značajnih datuma i događaja na području Zeničko-dobojskog kantona, nakon detaljnijeg sagledavanja priloženog teksta Zakona želimo da izvršimo korekciju našeg stava.

Naime, Inicijativu smatramo preuranjenom jer još uvijek ne postoji Zakon o obilježavanju značajnih datuma na nivou države BiH. S, druge strane iako u navedenoj inicijativi poslanika Hasana Handžića ima datuma koji imaju karakter značajnih i oko kojih se možemo usaglasiti ima i onih koji mogu prozrokovati različita stajališta i za sobom povući još dublje implikacije. Stoga smatramo da je u ovom trenutku bolje odložiti ovu Inicijativu i ne uvrštavati je u Skupštinsku proceduru dok se ne steknu neophodni uslovi i ambijent za realizaciju iste.

S pozdravom,



Podpredsjednik
Sretko Radišić



UDRUGA NOSITELJA RATNIH ODLIČJA HVO ZENIČKO-DOBOJSKOG KANTONA

Broj žiro računa: UniCredit Zagrebačka banka d.d.: 3383102200418533

Identifikacijski broj: 4218575480004

Adresa: Željeznička B.B. Žepče

E-mail: unrohvozd@gmail.com

Broj: 1607-50-02-45/15

Datum: 19.07.2017. godine

ZA: **Ministarstvo za boračka pitanja ZDK**

Veza: Akt broj: 13/02-02-8974-2/17 od 13.07.2017. godine

Predmet: Odgovor na inicijativu Hasana Handžića
 - dostavljam -

Sukladno Vašem dopisu u svezi dostavljanja našeg mišljenja i stava na inicijativu Hasana Handžića, sa kojom se želi pokrenuti donošenje Zakona o obilježavanju značajnih datuma i događaja na području Zeničko – dobojske županije, izvješćujemo Vas o slijedećem.

Dostavljenu Inicijativu smo detaljno proučili, jer uloženi trud pokretača ove inicijative to i zaslužuje.

Moramo istaknuti, da ova inicijativa sa kojom se želi riješiti obilježavanje značajnih datuma na prostoru Zeničko-dobojske županije, kod nas, nije prepoznata kao dobra, odnosno po nama je nepotrebna.

Prvo što smo zapazili, da prilikom izrade ove inicijative, pokretač nije imao na umu, da njegova inicijativa negativno utječe na razvoj civilnog društva u našoj zajednici, što ne smijemo imati interes, ako želimo razvijati jaku demokratsku državu usmjerenu prema Europi

Također, pokretač ove Inicijative u svojim obrazloženjima, nije nam dao dovoljno argumenata, da se ovaj Zakon donose a sam prijedlog teksta Zakona koji je dostavio, samo je potvrdio već naše stečeno mišljenje nakon čitanja obrazloženja, da je ovaj prijedlog Zakona prvenstveno nepotreban i kao takav za nas ne prihvatljiv.

S poštovanjem,



Predsjednik

Dragan Janko

Dostaviti:
1x naslovu,
1x a/a

From: [suad srebreni](#)

Sent: Thursday, July 27, 2017 12:54 PM

To: MBP

Subject: Re: MBP- Inicijativa H.Handžića za donošenje Zakona o obilježavanju datuma

Predmet: Mišljenje u vezi inicijative Hasana Handžića za donošenje Zakona o obilježavanju značajnih datuma i događaja na području ZDK.

Smatramo da je obilježavanje predloženih praznika izuzetno osjetljiva tema. Za Ministarstvo za boračka pitanja pitanje praznika je dodatno složeno obzirom da postoje dvije komponente: HVO i Armija BiH.

Zbog navedenog smatramo da trenutno nije pogodan trenutak da se podrži inicijativa gospodina Hasana Handžića, jer nije moguće adekvatno odgovoriti zahtjevu za dostojno obilježavanje praznika kako i priliči.



Bosna i Hercegovina
Federacija Bosne i Hercegovine
Ze-do županija
Zajednica udruga obitelji poginulih i nestalih hrvatskih branitelja
u Domovinskom ratu ZE-DO županije
ŽEPČE



Broj: 01-58/2017

Žepče, 18.7.2017 god.

ZA: Ministarstvo za boračka pitanja ZDK

Veza: Akt broj: 13/02-02-8974-2/17 od 13.07.2017. godine

Predmet: Odgovor na inicijativu Hasana Handžića, dostavljamo

Poštovani dostavljamo vam odgovor , naše mišljenje i stav na inicijativu Hasana Handžića, sa kojom se želi pokrenuti donošenje Zakona o obilježavanju značajnih datuma i događaja na području Zeničko – dobojske županije .

Dostavljenu Inicijativu smo detaljno proučili, te moramo istaknuti , da ova inicijativa sa kojom se želi riješiti obilježavanje značajnih datuma na prostoru Zeničko-dobojske županije , nije prihvatljiva , smatramo da nisu prepoznati stvarni problemi Udruga i Zajednice Udruga Ze-do županije.

Smatramo , da prilikom izrade bilo kakvih dokumenata i zakona, treba potisnuti osjećaje pripadnosti te sagledati realnosti i povijesne činjenice, koje su kao zbir istina ugrađene u temelje Bosne i Hercegovine .

S poštovanjem,

Dostaviti: 1x Naslovu

1x a/a Zajednice

Predsjednik Zajednice Udruga

Drago Pranjić

From: [pero lujic](#)

Sent: Tuesday, July 18, 2017 3:06 PM

To: [Aida Topcic](#)

Subject: Re: MBP- Inicijativa H.Handžića za donošenje Zakona o obilježavanju datuma

Poštovani ,

ZU HVIDR-a HVO HB ZDK je na današnjoj sjednici predsjedništva održanoj u Žepču u 11,00 sati analizirala inicijativu zastupnika Hasana Handžića .Inicijativa zastupnika Handžića o donošenju Zakona o obilježavanju značajnih datuma i događaja na području ZDK ,za nas je ne prihvatljiva .Razlog ne prihvaćanja prijedloga Zakona je što smatramo da isti treba urediti i usuglasiti na svim nivoima vlasti.Jednostrana inicijativa nas tjera na razmišljanje da se radi o politiziranju i osobnoj promidžbi pojedinca. Predlagati Zakon kojim se u potpunosti diskreditira naše Ministarstvo za branitelje,udruge proizašle iz Domovinskog rata HVO I Armije BIH. Udruge proizašle iz domovinskog rata su jedini koji uz podršku Ministarstva za branitelje otimaju iz zaborava sve vrijednosti i tekovine rata,obilježavanjem bitnih datuma u Armiji BIH i HVO.

Ne shvatljivo je da jedan pojedinac određuje bitne datume i daje zaduženja obilježavanja istih.

Mi kao udruga HVIDR-a ne prihvaćamo prijedlog Zakona, odbijamo inicijativu ali smo spremni za razgovor u koordinaciji s Ministarstvom za braniteljska pitanja ZDK.


Spoštovanjem ,



Broj : 10-02-8974-2-1/17.
Zenica, 17.07.2017.godine

Ministarstvo za boračka pitanja

n/r ministra



Predmet : Mišljenje-izjašnjenje na Inicijativu Hasana Handžića , dostavlja

Poštovani,

U vezi sa Vašim aktom broj: 13/02-02-8974-2/17., od 13.07.2017. godine, vezanim za davanjem mišljenja-izjašnjenja na *Inicijativu zastupnika Hasana Handžića za donošenje Zakona o obilježavanju značajnih datuma i događaja na području Zeničko-dobojskog kantona*, ovim putem Vas obavještavamo o sljedećem:

S obzirom na činjenicu da u sistemu pravnih propisa Zeničko-dobojskog kantona postoje i zakoni i drugi propisi koji bliže regulišu pitanja obilježavanja Dana Zeničko-dobojskog kantona, generalno smo na stajalištu da bi predmetnu inicijativu, odnosno sadržinu predloženog zakona od strane uvaženog zastupnika trebalo sagledati i u svjetlu tih propisa, odnosno eventualne izmjene i/ili dopune istih. Također želimo napomenuti i činjenicu da određene odredbe predloženog zakona, treba sagledati i u kontekstu ustavima garantiranih građanskih prava kao i važećih konvencija kojima su razrađena pitanja koja se tretiraju u Dijelu "IV POSJETIOCI MANIFESTACIJA", pri čemu se u *članu 10.*, utvrđuju i obavezna prisustva određenih osoba planiranim manifestacijama, kao i pitanja iz Dijela "VI NADZOR", koji predviđaju vršenje nadzora od strane Vlade Kantona kao kolektivnog tijela izvršne vlasti, umjesto određenog organa kantonalne uprave čija se nadležnost i djelokrug rada utvrđuje posebnim zakonima.

Kada je riječ o dijelu nadležnosti ovog organ kantonalne uprave, a posebno u dijelu obaveznog prisustva učenika osnovnih i srednjih škola navedenim javnim manifestacijama, podsjećamo da je na snazi *Pravilnik o školskim nazivima i simbolima i organizaciji školskih manifestacija*, ("Službene novine ZDK-a", broj:14/04), a koji decidno uređuje ova pitanja, (*vidjeti u prilogu*). Naime, odredbama ovog reformskog dokumenta, donesenog na direktnu preporuku Misije "OSCE"-a u BiH, (kao monitoringa reforme obrazovanja u BiH), nakon početka primjene reformi u obrazovanju i donesenog Okvirnog zakona o osnovnoj i srednjoj školi, jasno je stavljen naglasak na prihvatljive školske nazive, simbole i organizovanje školskih manifestacija, na način da se u školama ne koriste nazivi, grbovi, zastave ili druga obilježja kojima bi se veličali-obilježavali datumi, proslave ili drugi oblici sjećanja na sve protekle ratove ili osobe dakle ličnosti koje su iste obilježile. Podsjećamo da je riječ o dokumentu koji se dodatno veže za odredbe *Privremenog sporazuma o zadovoljavanju posebnih potreba i prava djece povratnika, potpisanog 5.03.2002. godine*, od strane

Ardy

svih odgovornih i nadležnih obrazovnih vlasti u BiH, zbog čega bi svako derogiranje primjene istih predstavljalo i svojevrsni korak unazad u pogledu dostignutog nivoa primjene pripadajućih prava svih učenika-djece povratnika u Bosni i Hercegovini. Stoga smo u našim dokumentima, (uključujući i postupanja prema poslaničkim inicijativama), u našim školama uvodili posebne-dodatne vannastavne aktivnosti kao i školske obaveze u pogledu planiranja i realizacije posjeta, jednodnevnih školskih izleta i ekskurzija Memorijalnom centru u Potočarima, kao i drugim stratištima u BiH, dodatnih izučavanja zločina genocida ali i drugih počinjenih ratnih zločina, u skladu sa utvrđenim nastavnim sadržajima odnosno činjenicama koje su već uvrštene i kao tematske cjeline u okviru postojećih, ali i inoviranih nastavnih, odnosno programskih sadržaja u našim školama. Dodamo li tome napore resornog ministarstva, školskog menadžmenta i osoblja na dodatnom jačanju osjećaja pripadnosti BiH, te početku svakog polugodišta intoniranjem državne himne BiH, isticanju simbola i zastava Bosne i Hercegovine na svim javnim obrazovnim ustanovama, stajališta smo da u dovoljnoj mjeri i na društveno širi, općeprihvatljiv način na nivou cijele Bosne i Hercegovine, u okvirima postojećih obrazovnih nadležnosti, aktivno doprinosimo jačanju državotvornih vrijednosti naše domovine.

S poštovanjem,

DOSTAVLJENO:

1 x Naslovu,

2 x a/a-01/02/03/05/PZ.



MINISTAR

Mensur Sinanović



Bosna i Hercegovina, Zenica, Kućukovići br. 2

Tel: 032/460-840, fax: 460-842

e-mail min.obrazovanje@zdk.ba

367.

Na osnovu člana 10. stav 1. Zakona o kantonalnim ministarstvima i drugim tijelima uprave, ("Službene novine Zeničko-dobojskog kantona" broj : 16/00), a u skladu sa članom 8. (tačka 13.c.) Plana provođenja Privremenog sporazuma o zadovoljavanju posebnih potreba i prava djece povratnika, potpisanog 5. marta 2002. godine, Obećanjem i Plana reforme obrazovanja, usvojenog 21. novembra 2002. godine, i Okvirnim zakonom o osnovnom i srednjem obrazovanju i Bosni i Hercegovini ("Službeni glasnik BiH", br. 18/2003.), ministar Ministarstva za obrazovanje, nauku, kulturu i sport. **d o n o s i :**

PRAVILNIK O KRITERIJIMA O ŠKOLSKIM NAZIVIMA I SIMBOLIMA I ORGANIZACIJI ŠKOLSKIH MANIFESTACIJA

Član 1.

Ovim Pravilnikom se određuju Kriteriji o prihvatljivim školskim nazivima i simbolima, kao i organizaciji školskih manifestacija, a oni će biti primjenjivani u svim javnim osnovnim i srednjim školama na području Zeničko-dobojskog kantona.

Član 2.

Naziv škole je prihvatljiv:

- a) ukoliko je nazvana po poznatom naučniku, piscu ili nekom drugom umjetniku i publicisti iz nastavnih planova i programa po kojima se uči u školama u Bosni i Hercegovini, a posebno iz zajedničkog jezgra nastavnih planova i programa;
- b) ukoliko je nazvana po poznatom prosvjetitelju;
- c) ukoliko je nazvana po poznatoj ličnosti iz književnosti (književnog djela), koja predstavlja pozitivan primjer;
- d) ukoliko je nazvana po nekom poznatom humanisti;
- e) ukoliko je nazvana u znak zahvalnosti za donatorstvo i u skladu je s ostalim tačkama ovih Kriterija;
- f) ukoliko nosi naziv istaknutog kulturnog i sportskog radnika iz Bosne i Hercegovine;
- g) ukoliko je nazvana po profesiji za koju obrazuje učenike;
- h) ukoliko je nazvana po nekom prikladnom geografskom i topografskom nazivu, uključujući i nazive naselja i regija;
- i) ukoliko je škola dobila numerički naziv;
- j) ukoliko naziv u sebi ne sadrži isključivo uže vjersko obilježje a vezan je za ličnost koja ni na koji način nije načinila štetu pripadnicima drugih naroda i vjerskih zajednica;
- k) ukoliko naziv ne predstavlja datum, događaj, vojnu jedinicu ili vojnu ličnost iz posljednjeg rata i ličnosti iz prethodnih ratova koje su nanijele štetu drugim narodima;
- l) ukoliko naziv ne sadrži isključivo političku konotaciju.

Član 3.

Prihvatljivi školski simboli:

- a) zastava i grb Bosne i Hercegovine, zastava i grb

Federacije BiH, tj. kantona;

- b) grb škole koji je u skladu s ovim Kriterijima;
- c) ratne spomen-ploče koje sadrže imena poginulih, godinu rođenja i godinu stradanja, a ne sadrže interpretacije ili kvalifikacije rata, kao i spomenici na kojima nema uvredljivih i neprihvatljivih pisanih poruka;
- d) vjerski simboli koji mogu biti locirani samo u kabinetu/učionici vjeronauke. U školama u kojima ne postoje kabineti vjeronauke vjerski simboli se mogu koristiti u učionicama samo tokom izvođenja nastave vjeronauke;
- e) simboli drugih država, ostali simboli, fotografije ili predmeti koji se odnose na političke stranke, pokrete, lidere ili na bilo koji rat mogu se koristiti u učionicama/kabinetima samo tokom izvođenja programskih sadržaja u nastavi, a ne mogu biti izloženi u školskim prostorijama i dvorištima.

Član 4.

Organizacija školskih manifestacija vršit će se u skladu sa sljedećim:

- a) Obilježavanje dana škole treba biti usklađeno sa usvojenim Kriterijima (npr., ne može se obilježavati datum i proslava nekog događaja iz posljednjeg rata i sl.)
- b) Škole ne mogu organizovati niti organizovano voditi učenike na skupovima povodom obilježavanja ratnih i političkih zbivanja.
- c) Organizacija školskih manifestacija vršit će se u skladu sa članovima 2. i 3. ovoga Pravilnika.

Član 5.

Škole će biti obavezne da usklade sve relevantne školske akte i odredbe sa ovim Pravilnikom u roku od tri (3) mjeseca nakon njegovog stupanja na snagu.

Član 6.

Zeničko-dobojski kanton i Ministarstvo za obrazovanje, nauku, kulturu i sport osigurat će neophodna sredstva za troškove provođenja ovoga Pravilnika.

Član 7.

Svi znakovi, simboli i druga obilježja u školama upotrebljavat će se u skladu sa zakonima koji reguliraju način i upotrebu znakova i simbola u javnim ustanovama na području Zeničko-dobojskog kantona.

Član 8.

Ministarstvo za obrazovanje, nauku, kulturu i sport će nadgledati provođenje odredaba ovog Pravilnika i izvještavati o tome nadležni državni organ kada i ako se stvore zakonski preduslovi za osnivanje takvog organa.

Član 9.

U slučajevima spornih naziva škola i školskih simbola, kao i školskih manifestacija, ovaj Pravilnik će tumačiti Ministarstvo za obrazovanje, nauku, kulturu i sport.

Član 10.

Žalbe o kršenju principa definisanih ovim Pravilnikom podnose se Školskom odboru, koji će odlučiti o opravdanosti žalbe i koji će donijeti odluku o

ratificiranju. Ukoliko se ne donese odluka u roku od trideset (30) dana nakon podnošenja žalbe, ili ukoliko strana nije zadovoljna rješenjem, ona može uložiti žalbu Ministarstvu za obrazovanje, nauku, kulturu i sport, koje će donijeti odluku o toj žalbi u roku od trideset (30) dana. Strana koja nije zadovoljna tumačenjem Ministarstva obrazovanja može započeti proces pred nadležnim sudom.

Član 11.

Ovaj Pravilnik će stupiti na snagu danom donošenja, nakon čega Kriteriji o školskim nazivima i simbolima, koje je izradio Odbor za koordinaciju provođenja Privremenog sporazuma o zadovoljavanju posebnih potreba i prava dječje povratnika, potpisanog 5. marta 2002. godine, prestaju biti na snazi.

Broj: 10-38-22133/04
26.10.2004. godine
Zenica

MINISTAR
Sreto Tomašević, s.r.

368.

Na osnovu člana 10. stav 1. Zakona o kantonalnim ministarstvima i drugim tijelima uprave, ("Službene novine Zeničko-dobojskog kantona" broj: 16/00), ministar Ministarstva za obrazovanje, nauku, kulturu i sport donosi:

PRAVILNIK

o formiranju i radu školskih odbora

Član 1.

Ovaj Pravilnik uređuje pitanja formiranja i rada školskih odbora i predstavlja opći okvir za uređivanje ove materije a primjenjivat će se u svim osnovnim i srednjim školama kao javnim ustanovama u državnoj svojini na području Zeničko-dobojskog kantona.

Član 2.

Opće funkcioniranje Školskog odbora određivat će politiku škole, pratiti primjenu politike i osiguravati da se školski izvori koriste efikasno, a školski odbori će imati i sljedeće funkcije:

- donositi godišnji program rada i usvajati izvještaje o njegovoj primjeni;
- pratiti i usmjeravati cjelokupni rad škole;
- odlučivati o korištenju sredstava škole u skladu sa Zakonom;
- objavljivati konkurse za izbor nastavnika i stručnih saradnika i uspostavljati procedure za izbor;
- imenovati direktora;
- pratiti opći uspjeh učenika i preduzimati mjere na poboljšanju radnih uslova u školi i nastavi;
- donositi opće propise za školu;
- pratiti i kontrolisati sve aktivnosti predviđene Zakonom i dokumentima koji se tiču osnivanja škole;

- uspostavljati procedure kroz koje učenici i osoblje mogu ostvariti komunikaciju i obavljati sve druge funkcije škole prema Zakonu.

I. Imenovanje školskih odbora

Član 3.

Školski odbor će imati ne manje od pet (5) i ne više od trinaest (13) članova.

Članovi Školskog odbora su predstavnici osoblja škole, osnivača škole, lokalne zajednice i roditelja, pri čemu svaka struktura treba biti zastupljena, po principu podjednake zastupljenosti predstavnika svih struktura.

Etnički sastav Školskog odbora će odražavati etnički sastav populacije sredine u kojoj je škola smještena.

Promjene u sastavu Školskog odbora, ukoliko je potrebno, bit će napravljene u skladu sa nacionalnom strukturom populacije učenika povećavanjem ili smanjenom broja članova Školskog odbora, u okviru ograničenja naznačenih u postojećim zakonima.

U svim javnim osnovnim i srednjim školama u Bosni i Hercegovini u kojima je procent populacije učenika i nastavnika povratnika/domicilne manjine jednak ili veći od 10% ukupne školske populacije najmanje jedan dodatni član će, u skladu sa zakonskim mogućnostima, biti uključen u sastav postojećeg Školskog odbora, sa ciljem osiguranja zastupljenosti predstavnika povratničke/domicilne manjinske populacije.

U slučaju da zakoni ne omogućavaju imenovanje dodatnih članova (člana) Školskog odbora, osnovna ili srednja škola će morati zamijeniti postojeće članove (člana) Školskog odbora predstavnicima (predstavnikom) povratničke/domicilne manjinske populacije.

Član 4.

Članovi Školskog odbora će se birati na period od četiri (4) godine.

Nakon isteka mandata člana Školskog odbora isti može biti ponovno izabran.

Član 5.

Vijeće roditelja, Nastavničko vijeće, lokalna zajednica i osnivač će predložiti svoje predstavnike u Školskom odboru na početku školske godine, u vrijeme konstituisanja Školskog odbora.

Detalji vezani za proceduru imenovanja članova Odbora koje vrše ovi organi bit će preciznije regulisani Pravilima škole.

Nastavničko vijeće može predložiti i predstavnika koji nije iz reda nastavnika.

Imenovanje predstavnika Školskog odbora iz reda osnivača obaviti će se u skladu sa Zakonom o min-

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO ZA
PRAVOSUĐE I UPRAVU



**MINISTARSTVO ZA BORAČKA
PITANJA**
n/r ministra
ovdje

PREDMET: Stajalište, dostavlja se

Bosnia and Herzegovina
Federation of Bosnia and Herzegovina
ZENICA-DOBOJ CANTON

MINISTRY OF
JUDICIARY & ADMINISTRATION

Ministarstvo za boračka pitanja
Zenica

Broj: 13/02-02-8974-3/17

Datum: 24-07-2017

Zenica, 21.7.2017. godine

Vaš broj: 13/02-02-8974-2/17 od 13.7.2017.

Naš znak: 06/02-02-8974-5/17

Aida

Vežano za Vaš akt, broj: 13/02-02-8974-2/17 od 13.7.2017. godine, koji smo zaprimili putem e-maila 20.7.2017. godine, obavještavamo Vas da Ministarstvo za pravosuđe i upravu, sukladno članku 11. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15) i članku 31. Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11), obavlja poslove davanja stajališta o usklađenosti zakona i drugih propisa koje donosi Skupština Kantona, Vlada Kantona s propisima o organizaciji organa uprave, propisima iz oblasti prekršaja, s Europskom konvencijom o zaštiti ljudskih prava i osnovnih sloboda i drugim instrumentima zaštite ljudskih prava, koji imaju pravnu snagu ustavnih odredaba.

Podsjećamo Vas da Inicijativa nije propis, te je potrebno da o istoj zauzmete svoje stajalište pripremite akt u obliku i formi kako nalažu odredbe članka 111. i 112. Poslovnika Skupštine Zeničko-dobojskog kantona („Službene novine Zeničko-dobojskog kantona, broj: 7/12 i 12/13) i dostavite Vladi Zeničko-dobojskog kantona na razmatranje.

S poštovanjem,

Dostavljeno:
1 x Naslovu
1 x U pismohran

MINISTAR
Mirnes Bašić




20

Bosna i Hercegovina
Federacija Bosne i Hercegovine
ZENIČKO - DOBOJSKI KANTON
MINISTARSTVO ZA RAD,
SOCIJALNU POLITIKU I IZBJEGLICE



Bosnia and Herzegovina
Federation of Bosnia and Herzegovina
ZENICA - DOBOJ CANTON
MINISTRY OF LABOR, SOCIAL AFFAIRS,
THE DISPLACED & REFUGES

ZENIČKO-DOBOJSKI KANTON
Ministarstvo za boračka pitanja
-ovdje-



Broj: 09-02-8974-2-1/17
Zenica, 02.08.2017. godine

PREDMET: Mišljenje, dostavlja se

Veza vaš akt broj: 13/02-02-8974-2/17 od 13.07.2017. godine

Vašim aktom, broj i datum veze, Ministarstvu za rad, socijalnu politiku i izbjeglice Zeničko-dobojskog kantona dostavili ste Inicijativu za donošenje Zakona o obilježavanju značajnih datuma i događaja na području Zeničko-dobojskog kantona, pokrenutu od strane poslanika u Skupštini Zeničko-dobojskog kantona Hasana Handžića, radi davanja mišljenja na istu.


Postupajući po vašem aktu, a nakon što smo detaljno razmotrili dostavljenu Inicijativu i predloženi tekst Zakona, Ministarstvo za rad, socijalnu politiku i izbjeglice je mišljenja da Inicijativa nije prihvatljiva na predloženi način, jer značajne datume i događaje prevashodno treba urediti na nivou Bosne i Hercegovine i entiteta.

S poštovanjem!

Dostavljeno:

1x Naslovu

1x a/a





Broj: 01-02-8974 /17
Zenica, 16.06.2017. godine

VLADA ZENIČKO-DOBOJSKOG KANTONA

- n/r premijera Kantona
- n/r sekretara Vlade

ZAKONODAVNO-PRAVNA KOMISIJA SKUPŠTINE-putem Odjeljenja za poslove radih tijela Skupštine /04

PREDMET: Inicijativa za donošenje Zakona o obilježavanju značajnih datuma i događaja na području Zeničko-dobojskog kantona - dostavlja se,

Hasan Handžić, poslanik u Skupštini Zeničko-dobojskog kantona pokrenuo je na 42. sjednici Skupštine Zeničko-dobojskog kantona održanoj 14.06.2017. godine, u okviru predtačke dvenog reda: „Postavljanje poslaničkih pitanja i pokretanje inicijativa“, Inicijativu za donošenje Zakona o obilježavanju značajnih datuma i događaja na području Zeničko-dobojskog kantona.

S tim u vezi, u skladu sa članom 112. stav 1. Poslovnika Skupštine Zeničko-dobojskog kantona, u prilogu vam dostavljamo na mišljenje predmetnu inicijativu o kojoj ste se dužni izjasniti u roku od **30 dana**, radi daljeg postupanja Skupštine po istoj u skladu s Poslovníkom Skupštine.

S poštovanjem!

SEKRETAR

Ibrahim Avdagić

PRILOZI: dio transkripta sa 42. sjednice Skupštine u kome je sadržana inicijativa poslanika Handžića i inicijativa predata u pisanoj formi (u prilogu inicijative dostavlja se i: tekst Zakona o obilježavanju značajnih datuma i događaja na području Zeničko-dobojskog kantona u pisanoj formi i snimljen na DVD, kao i u pisanoj formi tekst Pravilnika o obilježavanju značajnih datuma i događaja na nivou Zeničko-dobojskog kantona).

Dostavljeno:

1x Naslovu

1x Svim poslanicima Skupštine/(skenirano, putem e-maila) 05-03,

1x Ministarstvu za boračka pitanja-na znanje

1x U spis predmeta/03 „R“

HASAN HANDŽIĆ

Hvala predsjedavajući. Ja se prije svega izvinjavam onima koji su danas preko mene trebali da postave zastupničko pitanje, no, mislim da je ova inicijativa bila prioritet i da je trebala već poodavno vidjeti svjetlo dana. Pokušalo se preko nekih drugih institucija, međutim zbog tromosti i sporosti ja sam danas priđ... prinuđen iako sam dobar dio autor ovog ... ovog projekta da je postavim na ovaj način zbog brzine i kratkoće vremena odnosno potrebe da ona ... da ona vidi svjetlo dana.

Naime, radi se o inicijativi za donošenje Zakona o obilježavanju značajnih datuma i događaja na Zeničko-dobojskom kantonu.

Poštovani, posljednih godina smo svjedoci da obilježavanje značajnih datuma i događaja iz naše prošlosti sve više poprima karakteristike formalnog, a ne suštinskog značaja. Svjedoci smo također da se značajnim i važnim događajima iz naše prošlosti sa aspekta odabira istih selektivno pristupa što uglavnom zavisi od entuzijazma zainteresovanih i zaduženih lica nosilaca obilježavanja nekih događaja. Svjedoci smo nažalost i činjenice da manifestacijama koje njeguju sjećanja na važne događaje iz naše prošlosti koje se po nekim uslovima i pritiscima zainteresovanih grupa i lica i organizuju prisustvuje vrlo mali broj posjetilaca, a lica iz organa i institucija vlasti uopšte nema. Dokaz je naprimjer obilježavanje 15.04. kao Dana armije Bosne i Hercegovine u Zenici i mnoge druge slične manifestacije na općinskim nivoima širom Kantona. Pri ovome izuzetak čine samo pojedinci koji po službenoj dužnosti vezani za pripremu manifestacije te su kao takvi uključeni u pripreme ili učešće u istim. Nastavak ovakvog stanja je definitivno nedopustivo od strane svih org ... državnih organa, institucija i bilo bi krajnje drsko i bezobrazno što se mora pod hitno zaustaviti. Razloga je mnogo ... mnogo, ali je ovdje ... ću fokus usmjeriti na težinu činjenice, a to su: stotine pa i hiljade lica širom Kantona iz organa državne uprave i javnih institucija rade u istim obezbjeđujući sebi i porodici egzistenciju, kao i druge pogodnosti, ali nikako ne može biti u redu i normalno da istovremeno sva ta lica ignorišu manifestacije koje njeguju temelje naše države i istovremeno su temelji ... temelji njihovog statusa danas. Nije u redu i nije normalno da na manifestacijama organizovano ne učestvuju nastavno osoblje i učenici škola jer im je to pored zabrane izučavanja svoje historije kroz nastavne planove i programe jedina veza sa patriotskim osjećanjima, a djeca koja rastu bez patriotskih osjećanja su kao brod bez kormilara. Organizacija manifestacija koje njeguju sjećanja na značajne datume i događaje do sada su od organa vlasti uglavnom prepuštana nekim boračkim udruženjima ili njihovim savezima koji sa različitim ciljevima, potencijalima, autoritetima i mogućnostima pristupaju ovim aktivnostima, pa se često i dešavaju i različite neprimjerene situacije i događaji koji donose više štete nego koristi. Sve se nažalost svodi na činjenicu koliko će organi vlasti nekom udruženju ili savezu dati novca za ovu ili onu manifestaciju i još se pri tome ponašaju kao da su napravili nekome od njih ustupak i uslugu, što je strašno. Simptomatično je da se i te dotacije iz godine u godinu sve više smanjuju, pa je ovim tendom ... trendom smanjenja uskoro očekivati izdvajanje od nula KM, a to znači da će se i manifestacije značajnih datuma i događaja uskoro potpuno ugasiti. Mora se sasvim jasno reći udruženjima i njihovim save ... savezima organi vlasti ne trebaju davati finansijska sredstva za organizovanje manifestacija kao da se ti datumu tiču samo njih, nego se mora otpočeti sa novom praksom i sve aktivnosti oko manifestacija značajnih datuma treba da organizuju baš organi vlasti, jer oni predstavljaju državu koja je trajna kategorija, a ne borci kao biološki prolazna kategorija. Borci mogu i trebaju da budu samo gosti takvih manifestacija. Smatram da je krajnje vrijeme da se u ime budućnosti države sa ovakvim ... neodgovornom praksom mora hitno prestati, jer Bosna i Hercegovina i žrtve koje su za nju pale to ne zaslužuju, a ni lica koja se indolentski ponašaju prema značajnim datumima ne zaslužuju da sjede na svojim radnim mjestima što se posebno odnosi na funkcionere državnih organa i institucija. Pošto je izvjesno da pomaka po ovom pitanju od strane državnih organa nema nego čak natpr ... naprotiv posljednji pokazatelji poprimaju dramatične pokazatelje obilježavanja značajnih datuma i događaja iz naše prošlosti

na nivou Zeničko-dobojskog kantona se mora sistematično riješiti Zakonom kojim za organizaciju manifestacije u sankcije treba precizno zadužiti i učiniti odgovornim organe, pojedince i institucije vlasti koji u suštini predstavljaju državu. Njima boračka udruženja i savezi dok postoje mogu samo pomoći a nikako da budu nosioci aktivnosti organizacije manifestacija kao što se činilo do sada, jer će država, njene institucije i omladina koja mora biti u centru zbivanja manifestacija nadživjeti sve borce i sva njihova udruženja i saveze. Postavlja se pitanje šta kada više ne bude boraca? Zašto se ne može više ... zato se ne može više trpiti da institucije vlasti ponašaju kao da obilježavanje značajnih datuma iz naše prošlosti tiče samo boračkih udruženja i saveza, a ne njih koji predstavljaju državu i koji će ... koji su plaćeni da o njoj brinu. Ako lica u državnim organima i institucijama nisu spremni na radikalne promjene u odnosima na značajnim datumima i događajima koji se znaju godinu dana unaprijed i lako ih je planirati ne trebaju se prihvatati javnog posla i posebno javnih funkcija. Neka se onda bave privatnim poslom, mada bi na ovim manifestacijama pored omladine trebali da budu prisutni i privrednici, jer su svi oni zahvaljujući događajima koji stoje iza značajnih datuma ostvarili svoj uspjeh a nikako im ne garantuju da sutra njihova imovina se neće trebati ponovo braniti na način na koji je branjena. Neka se svi bar zapitaju šta bi bilo danas da nemamo svoju državu utemeljenu kroz 25.11. i 01.03.? Šta bi bilo da nije bilo Armije Bosne i Hercegovine, HVO-a i policijskih snaga? Svako normalan će na samo ova dva pitanja naći motive i razloge zašto značajne datume treba masovno obilježavati. Oni koji te odgovore ne nađu u ovim pitanjima neće ni na drugim, a time ne zaslužuju ni brigu ni pažnju društvene zajednice. Ako su ta lica zaposlena u državnim organima i javnim institucijama ne smije se dozvoliti da tamo ubuduće ni trenutka zadrže. U cilju dugoročnog sistematskog rješavanja ove problematike na našem Kantonu u prilogu akta vam dostavljam Zakon o obilježavanju značajnih datuma Zeničko-dobojskog kantona na usvajanje. Namjera mi je da se Zakon što prije stavi u skupštinsku proceduru kako bi prosvjetari svoje obaveze koje iz Zakona proizilaze ugradili u planove vannastavnih aktivnosti već za školsku 2017./18. godinu koja će se izgrađivati na početku iste. Napominjem da učešća škola ... napominjem da učešće škola u implementaciji ovog Zakona niko nikako i ni u čemu ne obuhvata niti čak ne dodiruje nastavne planove i programe obrazovnog procesa nego se planirano učešće škola ogleda kroz posjete različitim manifestacijama koje su školama čak preporučljive i planirale ... planirale bi isključivo planovima vannastavnih aktivnosti. Zbog svega naprijed navedenog molim vas da ... da me u ovome podržite. Da bih bio što ozbiljniji u ovom projektu, Stručnoj službi sam i u pisanoj i u elektronskoj formi već pripremio ovaj Zakon kako bih im skratio vrijeme. Čak sam se potrudio da napravim Pravilnik obilježavanja značajnih datuma i događaja da resorna ministarstva ne bi gubila vrijeme. I ovom prilikom ću predati Stručnoj službi za sve kolege, predsjednike klubova i resorna ministarstva koja će sigurno raditi na ovome imam već pripremljeno u pisanoj formi, a Stručnu službu zamoljavam da im što prije elektronski prebaci. Predsjedavajućeg Skupštine molim kao čovjeka koji samo ... prilikom izlaska za govornicu je prepoznatljiv u patriotskim osjećajima prema ovome o čemu pričam, molim da u što kraćem vremenskom periodu, a ja mu stojim na raspolaganju, napravi jedan sastanak kako bi ovaj Zakon što prije pustili u proceduru i ova inicijativa vidjela svjetlo dana sa svim onim učesnicima koji bi trebali da rade na ovome. Evo hvala vam. Nadam se da ste me razumjeli.

Zastupnik u Skupštini
Zeničko-dobojskog kantona
Hasan Handžić

Skupštini Zeničko-dobojskog kantona

**Inicijativa za donošenje Zakona o obilježavanju značajnih datuma i događaja
na Zeničko-dobojskom kantonu**

Poštovani!

Posljednjih godina smo svjedoci da obilježavanje značajnih datuma i događaja iz naše prošlosti sve više poprima karakteristike formalnog, a ne suštinskog značaja. Svjedoci smo takođe da se značajnim važnim događajima iz naše prošlosti, sa aspekta odabira istih, selektivno pristupa, što uglavnom zavisi od entuzijazma zainteresovanih i zaduženih lica nosilaca obilježavanja nekih događaja. Svjedoci smo nažalost i činjenice da manifestacijama koje njeguju sjećanja na važne događaje iz naše prošlosti, koje se pod nekim uslovima i pritiscima zainteresovanih grupa lica i organizuju, prisustvuje vrlo mali broj posjetilaca, a lica iz organa i institucija vlasti uopšte nema (dokaz je npr. obilježavanje 15.04. kao Dana ABiH u Zenici i mnoge druge slične manifestacije na općinskim nivoima širom Kantona). Pri ovome izuzetak čine samo pojedinci koji su po službenoj dužnosti vezani za pripremu manifestacije, te su kao takvi uključeni u pripreme ili učesće u istim.

Nastavak ovakvog stanja je definitivno nedopustivo, a od strane svih državnih organa i institucija bi i dalje bilo krajnje drsko i bezobrazno, što se mora pod hitno zaustaviti!!! Razloga je mnogo, ali ovdje ću fokus usmjeriti na težišne činjenice, a to su:

- Stotine, pa i hiljade lica širom Kantona iz organa državne uprave i javnih institucija rade u istim obezbjeđujući sebi i porodici egzistenciju kao i druge pogodnosti, ali nikako ne može biti u redu i normalno da istovremeno sva ta lica ignorišu manifestacije koje njeguju temelje naše državnosti i istovremeno su temelj njihovog statusa danas.

- Nije u redu i nije normalno da na manifestacijama organizovano ne učestvuje nastavno osoblje i učenici škola jer im je to, pored zabrane izučavanja svoje historije kroz nastavne planove i programe, jedina veza sa patriotskim osjećajima, a djeca koja rastu bez patriotskih osjećaja su kao brod bez kormilara.

Organizacija manifestacija koje njeguju sjećanja na značajne datume i događaje do sada su od organa vlasti uglavnom prepuštane nekim boračkim udruženjima ili njihovim savezima koji sa različitim ciljevima, potencijalima, autoritetima i mogućnostima pristupaju ovim aktivnostima, pa se često dešavaju i različite neprimjerene situacije i događaji koji donose više štete nego koristi. Sve se, nažalost, svodi na činjenicu koliko će organi vlasti nekom udruženju ili savezu dati novca za ovu ili onu manifestaciju i još se pri tome ponašaju kao da su napravili nekome od njih ustupak i uslugu, što je strašno. Simptomatično je da se i te dotacije iz godine u godinu sve više smanjuju, pa je ovim trendom smanjenja uskoro očekivati izdvajanja od "0" KM, a to znači da će se i manifestacije značajnih datuma i događaja uskoro potpuno ugasiti.

Mora se sasvim jasno reći: Udruženjima i njihovim savezima organi vlasti ne trebaju davati finansijska sredstva za organizaciju manifestacija kao da se ti datumi tiču samo njih, nego se mora otpočeti sa novom praksom i sve aktivnosti oko manifestacija značajnih datuma treba da organizuju baš organi vlasti, jer oni predstavljaju državu koja je trajna kategorija, a ne borci kao biološki prolazna kategorija. Borci mogu i trebaju da budu samo gosti takvih manifestacija.

Smatram da je krajnje vrijeme da se u ime budućnosti države sa ovakvom neodgovornom praksom mora hitno prestati, jer Bosna i Hercegovina i sve žrtve koje su za nju pale to ne zaslužuju. A ni lica

koja se indolentski ponašaju prema značajnim datumima, ne zaslužuju da sjede na svojim radnim mjestima, što se posebno odnosi na funkcionere državnih organa i institucija.

Pošto je izvjesno da pomaka po ovom pitanju od strane državnih organa nema, nego čak naprotiv, posljednji pokazatelji poprimaju dramatične pokazatelje, obilježavanje značajnih datuma i događaja iz naše prošlosti na nivou Zeničko-dobojskog kantona se mora sistematično riješiti Zakonom kojim za organizaciju manifestacija uz sankcije treba precizno zadužiti i učiniti odgovornim organe, pojedince i institucije vlasti koji u suštini i predstavljaju državu. Njima boračka udruženja i savezi dok postoje mogu samo pomoći, a nikako da budu nosioci aktivnosti organizacije manifestacija, kao što se činilo do sada, jer će država, njene institucije i omladina koja mora biti u centru zbivanja manifestacija, nadživiti sve borce i sva njihova udruženja i saveze. Postavlja se pitanje: šta kada više ne bude boraca? **Zato se ne može više trpiti da se institucije vlasti ponašaju kao da se obilježavanje značajnih datuma iz naše prošlosti tiče samo boračkih udruženja i saveza, a ne njih koji predstavljaju državu i koji su plaćeni da o njoj brinu.** Ako lica u državnim organima i institucijama nisu spremni na radikalne promjene u odnosu prema značajnim datumima i događajima koji se znaju godinu dana unaprijed i lahko ih je planirati, ne trebaju se prihvatati javnog posla i posebno javnih funkcija. Neka se onda bave privatnim poslom, mada bi na ovim manifestacijama, pored omladine, trebali da budu prisutni i privrednici, jer su svi oni zahvaljujući događajima koji stoje iza značajnih datuma, ostvarili i svoj uspjeh, a niko im ne garantuje da sutra njihovu imovinu neće trebati ponovo puškom čuvati.

Neka se svi zapitaju:

- Šta bi bilo danas da nemamo svoju državu utemeljenu kroz 25.11. i 01.03. ?

- Šta bi bilo da nije bilo Armije BiH (15.04.), HVO i policijskih snaga?

Svako normalan će na samo ova dva pitanja naći motive i razloge zašto značajne datume treba masovno obilježavati. Oni koji te odgovore ne nađu na ovim pitanjima neće ni na drugim, a time ne zaslužuju ni brigu ni pažnju društvene zajednice!!! A ako su ta lica zaposlena u državnim organima i javnim institucijama, ne smije se dozvoliti da se tamo ubuduće ni trenutka zadrže.

U cilju dugoročnog i sistematičnog rješavanja ove problematike na našem Kantonu, u prilogu akta Vam dostavljam Zakon o obilježavanju značajnih datuma i događaja Ze-do kantona na usvajanje. Namjera mi je da se Zakon što prije stavi u skupštinsku proceduru kako bi prosvjetari svoje obaveze koje iz Zakona proizilaze ugradili u planove vannastavnih aktivnosti već za školsku 2017/18 godinu koje će izrađivati na početku iste. Napominjem da učešće škola u implementaciji ovog Zakona nikako i ni u čemu ne obuhvata, niti čak dodiruje nastavne planove i programe obrazovnog procesa, nego se planirano učešće škola ogleda kroz posjete različitim manifestacijama koje su školama čak preporučljive i planirale bi se isključivo planovima vannastavnih aktivnosti.

Zbog svega naprijed navedenog, molim Vas da hitno poduzmete odgovarajuće mjere na ubrzanom usvajanju ovog Zakona, a da se ne gubi dragocjeno vrijeme, Vladi sam pripremio i Pravilnik koji bi pratio Zakon kao podzakonski akt.

S poštovanjem

Zenica, 14.06.2017.god.

Zastupnik
Hasan Handžić

Prilog:

- Zakon o obilježavanju značajnih datuma i događaja na području Zeničko-dobojskog kantona

Zastupnik u Skupštini
Zeničko-dobojskog kantona
Hasan Handžić

Z A K O N
O OBILJEŽAVANJU ZNAČAJNIH DATUMA I DOGAĐAJA NA PODRUČJU
ZENIČKO-DOBOJSKOG KANTONA

Zenica, 2017.godine

Na osnovu inicijative zastupnika u Skupštini Zeničko-dobojskog kantona Hasana Handžića, a u skladu sa Ustavom Zeničko-dobojskog kantona: član 18. alineja d), f), lj), m) ; član 37. pod h), član 68. pod k), član 75. pod e) i član 82. pod a), c), d), i h), Skupština Zeničko-dobojskog kantona na svojoj sjednici održanoj dana _____ 2017.godine, donijela je

Z A K O N O OBILJEŽAVANJU ZNAČAJNIH DATUMA I DOGAĐAJA NA PODRUČJU ZENIČKO-DOBOJSKOG KANTONA

I OSNOVNE ODREDBE

Član 1.

(Predmet Zakona)

Ovim Zakonom utvrđuju se značajni datumi i događaji na području Zeničko-dobojskog kantona (u daljem tekstu: Kanton), te se uređuje način obilježavanja značajnih datuma i događaja, a naročito: pregled značajnih datuma i događaja od značaja za državu BiH, Kanton i jedinice lokalne samouprave, priprema i provođenje aktivnosti obilježavanja, posjetioci manifestacija i način finansiranja.

Član 2.

(Primjena odredaba Zakona)

Odredbe ovog Zakona primjenjuju se na području Kantona.

Član 3.

(Cilj Zakona)

Cilj ovog Zakona je očuvanje tekovina antifašizma, državnosti i suverenosti Bosne i Hercegovine njegujući sjećanja na događaje iz odbrambeno-oslobodilačkog rata 1941-1945. i 1992-1995. godine.

II ZNAČAJNI DATUMI I DOGAĐAJI

Član 4.

(Značajni datumi i događaji)

1) Značajni datumi i događaji koji se obilježavaju na nivou Kantona, a od značaja za državu Bosnu i Hercegovinu i Kanton su:

- a) Dan državnosti Bosne i Hercegovine..... 25.11.
- b) Dan nezavisnosti Bosne i Hercegovine 01.03.
- c) Dan pobjede nad fašizmom 09.05.
- d) Dan formiranja Zeničko-dobojskog kantona29.08.
- e) Dan formiranja Armije Bosne i Hercegovine 15.04.
- f) Dan formiranja Hrvatskog vijeća odbrane08.04.
- g) Dan formiranja 3. Korpusa Armije BiH01.12.

2) Značajni datumi i događaji koji se obilježavaju na nivou grada/općine od značaja za jedinice lokalne samouprave su:

- a) Dan državnosti Bosne i Hercegovine..... 25.11.
- b) Dan nezavisnosti Bosne i Hercegovine 01.03.
- c) Dan formiranja Armije Bosne i Hercegovine 15.04.
- d) Datumi i događaji određeni Zakonom o principima lokalne samouprave
FBiH Službene novine FBiH br. 49/06, 51/09 i Statutima općina

Posebnim godišnjim planovima obilježavanja značajnih datuma i događaja Vlade Zeničko-dobojskog kantona i načelnika općina, mogu se utvrditi i drugi datumi za obilježavanje koji su od društvenog značaja.

III PLANIRANJE AKTIVNOSTI

Član 5.

(Nosioци aktivnosti)

Nosioци aktivnosti obilježavanja značajnih datuma i događaja su:

- a) Za manifestacije na nivou Kantona - Vlada Kantona.
- b) Za manifestacije na nivou jedinica lokalne samouprave - Načelnici općina

Član 6.

(Planiranje i sadržaj aktivnosti)

- 1) Plan aktivnosti obilježavanja značajnih datuma i događaja na nivou Kantona priprema Ministarstvo za pitanje boraca i ratnih vojnih invalida (u daljem tekstu: Ministarstvo).
- 2) Plan aktivnosti na prijedlog Ministarstva donosi Vlada Kantona.
- 3) Plan aktivnosti se donosi na period od jedne godine.
- 4) Ministarstvo je dužno Vladi Kantona podnijeti izvještaj o provođenju aktivnosti utvrđenih Planom aktivnosti za obilježavanje značajnih datuma i događaja iz svoje nadležnosti, i informativno sumarni izvještaj po općinama.
- 5) Na osnovu izvještaja i analize provedenih aktivnosti, Vlada će za svoj nivo jedanput godišnje donositi mjere za njihovo unapređenje, a jedinicama lokalne samouprave iste mjere, uz sugestije, davati na znanje.

Član 7.

- 1) Plan aktivnosti obilježavanja značajnih datuma i događaja na nivou jedinica lokalne samouprave na prijedlog Načelnika donosi Općinsko vijeće.
- 2) Plan aktivnosti se donosi na period od jedne godine.
- 3) Načelnici su dužni Općinskim vijećima podnijeti izvještaj o provedenim aktivnostima za obilježavanje značajnih datuma i događaja, te isti na znanje dostaviti i Ministarstvu
- 4) Na osnovu izvještaja i analize provedenih planova obilježavanja značajnih datuma i događaja, Načelnici će Općinskim vijećima predlagati mjere za unapređenje stanja po ovoj oblasti.

Član 8.

Planovima aktivnosti će se utvrditi: naziv manifestacije, mjesto obilježavanja, vrijeme, sadržaj, posjetioci, gosti i finansijski pokazatelji.

U godišnjim planovima obavezno planirati masovne centralne manifestacije najmanje za jedan datum državnog značaja i jedan datum koji se odnosi na Armiju BiH.

Član 9.

Od sadržaja aktivnosti na obilježavanju značajnih datuma i događaja mogu se planirati: održavanje svečanih akademija i svečanih sjednica Skupštine Kantona i općinskih vijeća, obilazak mezarja i muzeja, počasti, prigodne kulturne i sportske priredbe, naučni skupovi i tribine vezani za značajne datume, izdavanje prikladnih publikacija, živi časovi historije, prigodni koncerti, takmičenja u poznavanju historije, uručenje nagrada za rezultate postignute na projektima značajnih datuma, te učešće vojske i omladine.

Član 10.

IV POSJETIOCI MANIFESTACIJA

Član 10.

Posjete centralnim manifestacijama koje su utvrđene planovima iz čl. 6. i 7. ovog Zakona, obavezni su ispoštovati slijedeća lica:

- a) Zastupnici Skupštine Kantona na aktivnostima Kantona, a općinski vijećnici na aktivnostima pripadajućih općina
- b) Sva lica uposlena u Vladi Kantona na aktivnostima Kantona, a uposlenici općinskih uprava na aktivnostima pripadajućih općina
- c) Funkcioneri i uposlenici javnih ustanova i javnih preduzeća Kantona i pripadajućih općina
- d) Članovi upravnih i nadzornih odbora javnih ustanova i preduzeća Kantona i općina

e) Ako je manifestacija na otvorenom prostoru, svi učenici i uposlenici srednjih i viših razreda (8-9) osnovnih škola, a ako je manifestacija u zatvorenom prostoru, rukovodstvo škole sa nastavnicima historije i 3-5 predstavnika učenika iz svih odjeljenja srednjih škola i viših razreda (8-9) osnovnih škola.

Pored navedenih lica koja su obavezna prisustvovati centralnim manifestacijama, javnim i drugim pozivima organizator manifestacije poziva i lica aktualna za događaj koji se obilježava (ugledne građane angažovane u ostvarivanju javnog interesa, ratne komandante, predstavnike boračkih organizacija, privrednike i dr.).

Član 11.

U svim aktivnostima čiji je nosilac Vlada Kantona obavezni su prisustvovati organi i institucije grada Zenica (navedeni u čl.10) ako se manifestacija održava u Zenici, odnosno, lica iz jedinice lokalne samouprave na kojoj se kantonalna manifestacija realizuje.

Ako Vlada sa nadležnim organima lokalnih samouravnih jedinica usaglasi, u ime Kantona i uz njegovu saglasnost, neku manifestaciju može prirediti i lokalna samourava, s tim da istoj shodno čl. 10., prisustvuju uposlenici organa i institucija Kantona kao svojoj manifestaciji.

Član 12.

Odgovorna lica državnih organa i institucija u vrijeme trajanja manifestacije (1-2 sata), a shodno članu 10., uz odgovarajuću evidenciju dužni su na manifestaciji obezbjeđiti prisutnost radnog osoblja, s tim da u organima i institucijama obezbjede minimum lica za prijem nenajavljenih stranaka.

Vrijeme provedeno na manifestaciji se računa u fond aktivnih radnih sati.

V NAČIN FINANSIRANJA

Član 13.

Sredstva za finansiranje obilježavanja značajnih datuma i događaja obezbjeđuju se:

- a) Za aktivnosti na nivou Kantona iz Budžeta Kantona
- b) Za aktivnosti na nivou jedinica lokalne samouprave iz njihovih Budžeta
- c) Za aktivnosti koje organizuje Vlada sa nekom od općina, obezbjeđuje Vlada, uz mogućnost da ih dogovorno snosi sa konkretnom Općinom

VI NADZOR

Član 14.

Nadzor nad provođenjem ovog Zakona vrši Vlada Zeničko-dobojskog kantona i Općinska vijeća.

O provođenju Zakona, Skupštini Kantona Vlada jedanput godišnje dostavlja izvještaj, a Općinskim vijećima, isti izvještaj dostavljaju Načelnici općina.

VII PRELAZNE I ZAVRŠNE ODREDBE

Član 15.

(Rokovi za donošenje kantonalnog i općinskih planova obilježavanja)

Planove iz članova 6. i 7. ovog Zakona Vlada Kantona i Općinska vijeća donosit će najdalje do juna mjeseca za narednu godinu i sa istim će upoznati sve pripadajuće škole.

Ministarstvo za obrazovanje, nauku, kulturu i sport Kantona će, na osnovu planova u prethodnom stavu, do kraja mjeseca jula svim školama dostaviti instrukciju za izradu planova vannastavnih aktivnosti za narednu školsku godinu sa učešćem škola u planiranim manifestacijama.

Član 16.

Obaveza Vlade Zeničko-dobojskog kantona je da uporedo sa donošenjem ovog Zakona usvoji i Pravilnik o obilježavanju značajnih datuma i događaja na nivou Zeničko-dobojskog kantona.

Član 17.

(Kaznene odredbe)

Za lica zakonodavnih organa vlasti (član 10. a) koja se ne odazovu centralnim manifestacijama pokretati disciplinski postupak pred nadležnim tijelima istih institucija za kodeks ponašanja zastupnika/vijećnika i to javno publikovati.

Za lica izvršnih organa vlasti i svih javnih institucija (član 10. pod: b), c), e) koja se ne odazovu manifestacijama po važećim planovima, provoditi disciplinski postupak za težu povredu radne discipline.

Licima koja se ne odazovu manifestacijama koja su navedena u članu 10. pod d) uskraćivati povjerenje za vršenje iste i sličnih dužnosti u narednom periodu.

Član 18.

Ovaj Zakon stupa na snagu danom objavljivanja u Službenom glasniku Zeničko-dobojskog kantona.

Zenica, __. __. 2017. god.

Predsjedavajući Skupštine

O B R A Z L O Ž E N J E

I USTAVNI OSNOV

Ustavni osnov za donošenje Zakona o značajnim datumima i događajima Zeničko-dobojskog kantona sadržan je u Ustavu Zeničko-dobojskog kantona i to: članu 18. alineja d), f), lj), m); članu 37. pod h), članu 68. pod k), članu 75. pod e) i članu 82. pod a), c), d), i h).

II RAZLOZI ZA DONOŠENJE ZAKONA

Razlog za donošenje ovog Zakona je uređenje ove oblasti, sa ciljem obezbjeđenja pretpostavki za trajno, sistematično i dostojanstveno organizovanje obilježavanja značajnih datuma i događaja na području Kantona, što do sada nije bio slučaj.

Ovaj Zakon treba da prekine praksu formalnih manifestacija koje su različitim pristupom, odnosom, odgovornošću, iskustvom i posvećenošću često organizovala različita udruženja i savezi boračkih organizacija, što vrlo često nije bilo primjereno značaju samog događaja koji se obilježavao, te se takvim činom devalvirao i sam događaj i država u ime koje se događaj obilježava.

Ovaj Zakon treba da prekine i praksu neposjećivanja ovih manifestacija, a posebno od strane lica koja rade u državnim organima i mnogim javnim institucijama koje po svojoj nadležnosti predstavljaju državu, što je apsurd, licemjerno i dalje nedopustivo. U manifestacijama iz organa vlasti do sada po pravilu učestvuju samo lica koja su po funkcionalnoj dužnosti uključena u pripremu i realizaciju manifestacija. Strašna je činjenica da lica državnih organa i institucija svojim neprisustvom manifestacijama ignorišu simbole države i državnosti, a od iste države istovremeno primaju platu i druge beneficije. Ako nisu spremni za državu koju predstavljaju planski godišnje izdvojiti 2-4 sata koji su im uz to još i plaćeni, njima jednostavno ne treba dozvoliti da rade u institucijama iste te države!

Strašna je i činjenica da ovim manifestacijama ne prisustvuje školska omladina, iako su manifestacije obilježavanja značajnih datuma i događaja potrebne baš njima, a ne borcima bilo koje kategorije. Ako je tačno da se djeca o historiji iz proteklog rata ne mogu educirati po nastavnim planovima, nije nikome i ničim zabranjeno da se djeca organizovano ne dovode na manifestacije koje obilježavaju značajne datume. Jedini je uslov da se to planira planom vannastavnih aktivnosti na početku svake školske godine, što je do sada bilo svedeno isključivu na volju nastavnog osoblja.

Ako se ugase simboli države i državnosti, što je neminovno trendom koji imamo, neminovno je da će se u dogledno vrijeme ugasiti i država. A da se to ne bi dogodilo, krajnje je vrijeme da se hitno poduzmu radikalne promjene u odnosu prema ovoj oblasti. S toga organizaciju manifestacija obilježavanja značajnih datuma i događaja moraju u punom kapacitetu preuzeti državni organi i institucije i za isto snositi kolektivnu i pojedinačnu odgovornost, a ne boračka udruženja. To je nužno zbog toga jer će te institucije nadživiti sve borce i sva boračka udruženja i njihove saveze koji su prolazna kategorija, za razliku od države i državnosti koja je trajna. A na kraju, lica zaposlena u državnim organima i institucijama su plaćena da rade za državu i kroz to u punom kapacitetu imaju riješen svoj status. Kao takvi, imaju obavezu djelovati prvo ličnim primjerom i omladini, pored obrazovnog, jačanjem njihovih patriotskih osjećaja kroz manifestacije, davati i odgojni karakter, što do sada nije činjeno!

III FINANSIJSKI EFEKTI ZAKONA

Zakon u predloženom obliku ne iziskuje nikakve nove troškove u odnosu kakvi su bili u dosadašnjem periodu. Čak naprotiv, primjenom ovog Zakona kroz državne institucije sredstva za manifestacije će biti transparentnija, a i racionalnija. Posebno je važno naglasiti da će Vlada imati čak manje troškove, jer neke centralne manifestacije po ovom Zakonu može organizovati zajedno sa općinama (a prevashodno sa općinom Zenica jer se nalaze u istom gradu), što do sada nije bio slučaj.

Na osnovu naprijed navedenog, Zakon je ustavan, izuzetno društveno koristan, bez novih finansijskih izdataka i apsolutno provediv.

Predlagatelj:

/zastupnik Hasan Handžić/

Na osnovu člana 4. stav 3. i člana 16. Zakona o obilježavanju značajnih datuma i događaja na nivou Zeničko-dobojskog kantona (u daljem tekstu:Kanton), Ministar za boračka pitanja Kantona donosi

P R A V I L N I K O OBILJEŽAVANJU ZNAČAJNIH DATUMA I DOGAĐAJA NA NIVOU ZENIČKO-DOBOJSKOG KANTONA

I OPĆE ODREDBE

Član 1.

(Predmet Pravilnika)

Ovim Pravilnikom uređuje se način organiziranja manifestacija i odavanja počasti koje su upriličene povodom obilježavanja značajnih datuma i događaja iz prošlosti Bosne i Hercegovine, Kantona i jedinica lokalne samouprave, kao i način sudjelovanja učesnika, gosta i posjetilaca manifestacija, kao i druga pitanja od važnosti za uspješnu organizaciju manifestacija navedenim povodom.

Član 2.

(Definicije)

U svrhu tumačenja i primjene ovog Pravilnika definicije korištenih pojmova u istom imaju sljedeća značenja:

- a) **Manifestacija** je skup radnji i postupaka koji se organizirano planiraju i provode povodom obilježavanja značajnih datuma i događaja utvrđenih Zakonom o obilježavanju značajnih datuma i događaja na nivou Kantona. Manifestacije uglavnom imaju obilježja svečanog događaja, pa se često mogu smatrati i svečanostima.
- b) **Počast** je aktivnost kojom sva prisutna lica na manifestaciji iskazuju poštovanje i to: državnoj himni, poginulim borcima i prilikom polaganja cvijeća na obilježja poginulim borcima.
- c) **Nosilac manifestacije** je državni organ odgovoran za planiranje, pripremu, realizaciju, izvještavanje, analizu i unapređenje manifestacija
- d) **Saradnici manifestacije** su institucije, pravna i fizička lica koja su prihvatila obavezu da budu zaduženi za pripremu i realizaciju samo nekih od sadržaja manifestacije planiranih u protokolu
- e) **Učesnici manifestacije** su lica koja su uključena u protokalarni program
- f) **Gosti manifestacije** su ugledna lica iz javnog života i vremena i događaja koji se obilježavaju, a koja su pozivnicama pozvana na manifestaciju
- g) **Posjetioci manifestacije** su lica koja su obavezna doći (iz državnih organa, institucija i škola) i lica (građani) koja su pozvana javnim pozivom kao posmatrači.
- h) **Centralna manifestacija** smatra se događaj koji je godišnjim planom predviđen kao takav, a koji treba da obezbjedi što veću masovnost posjetilaca, dok za razliku od takvog događaja mogu se organizirati i druge manifestacije manjeg obima i sa manjim brojem učesnika (kao npr. naučni skupovi, tribine, izdavanje publikacija i sl.). Centralna manifestacija je načelno svečana akademija koja se može organizirati na otvorenom i u zatvorenom prostoru.

II NOSIOCI I VRSTE MANIFESTACIJA

Član 3.

(Vrste manifestacija)

(1) Manifestacije povodom obilježavanja značajnih datuma i događaja za koje je odgovorna Vlada Kantona su:

- a) Praznici Bosne i Hercegovine
- b) Dan Kantona
- c) Dan Armije BiH
- d) Dan Hrvatskog vijeća odbrane
- e) Dan 3. Korpusa Armije BiH
- f) Dan policije ???
- g)

(2) Manifestacije povodom obilježavanja značajnih datuma i događaja za koje su odgovorne jedinice lokalne samouprave su:

- a) Praznici Bosne i Hercegovine
- b) Dan Armije BiH
- c) Ostali značajni datumi definirani Statutima jedinica lokalne samouprave

(3) Manifestacije povodom obilježavanja značajnih datuma i događaja koje mogu organizirati mjesne zajednice, a koje su u tom slučaju za iste i odgovorne, su:

- a) Dan mjesne zajednice
- b) Značajni datumi iz prošlosti od značaja za lokalnu sredinu

Član 4.

(Vrste manifestacija)

Kao zasebne aktivnosti u manifestacijama povodom obilježavanja značajnih datuma ili, više njih, mogu se organizirati:

- Svečane akademije
- Polaganje cvijeća na spomen obilježja
- Živi časovi historije
- Naučni skupovi, okrugli stolovi i tribine o događajima koji se obilježavaju
- Koncerti sa prikladnim sadržajem
- Marševanja
- Kulturno-sportski događaji
- Izdavanje publikacija koje obrađuju tematiku događaja koji se obilježava

Član 5.

(Počasti)

Pored aktivnosti navedenih u članu 4., sastavni dio manifestacija mogu biti i počasti koje se iskazuju državnoj himni, državnoj zastavi i žrtvama rata.

Počast himni i zastavi se vrši mirujuć u stojećem stavu sve dok se himna intonira, odnosno dok se zastava podiže ili pronosi.

Počast žrtvama rata se iskazuje jednogminutnim stajanjem kao u prethodnom stavu, s tim da se istovremeno prisutni mogu pozvati na učenje Fatihe.

III PROTOKOL I SADRŽAJ MANIFESTACIJA

Član 6.

(Sadržaj protokola)

Za svečano obilježavanje značajnih datuma i događaja svaki nosilac aktivnosti priprema protokol koji načelno sadrži:

- a) Intoniranje državne himne BiH

- b) Obraćanje nosioca svečanosti navođenjem razloga i povoda za organizaciju iste
- c) Obraćanje gosta
- d) Obraćanje predstavnika vlasti sa višeg nivoa
- e) Ispraćaj gostiju

Ako je protokolom predviđeno učešće počasnog voda vojske BiH, isti se na adekvatno mjesto postrojava prije intoniranja himne i na istom mjestu prati realizaciju cjelokupnog protokola.

Član 7.

U protokolu za svečanost mogu se planirati prikladni kulturno-umjetnički sadržaji, odnosno, samo oni koji veličaju patriotizam i ljubav prema domovini i njenim narodima uopšte i to:

- Recitali
- Pjesme
- Pozorišni komadi i
- Uručenje nagrada omladini za rezultate u provedenim takmičenjima povodom značajnih događaja koji se obilježavaju

IV NAČIN PLANIRANJA I IZVJEŠTAVANJA

Član 8.

(Plan obilježavanja značajnih datuma i događaja)

Godišnji plan obilježavanja značajnih datuma i događaja na nivou Kantona i jedinica lokalne samouprave se izrađuje tabelarno sa slijedećim pokazateljima:

Red /br	Naziv manifestacije	Mjesto održavanja	Vrijeme održavanja	Posjetioci	Iznos KM	Primjedba

Član 9.

Za posjete manifestacijama koje organizuju nadležne institucije svojim godišnjim planovima, Planom vannastavnih aktivnosti u školama, škole planiraju svoje radno osoblje i učenike.

Član 10.

(Izveštaj o realizaciji manifestacije)

Izveštaj o realizaciji manifestacija koje obilježavaju značajne datume i događaje na nivou Kantona i jedinica lokalne samouprave se izrađuju po slijedećim tačkama:

- Pripreme (po planiranim sadržajima)
- Tok izvođenja
- Odziv na manifestaciju (gosta i posjetilaca)
- Ispoljene slabosti

Član 11.

(Analiza realizacije manifestacija)

Analize o realizaciji manifestacija koje obilježavaju značajne datume i događaje na nivou Kantona i jedinica lokalne samouprave se izrađuju za svaku manifestaciju posebno i godišnje koja sumarno obuhvata sve manifestacije po slijedećim tačkama:

- Pozitivna iskustva
- Negativna iskustva
- Prijedlog mjera za unapređenje

Svaka od navedenih tačaka obuhvata obradu navedenih pitanja za izradu izvještaja (navedena u članu 8.).

V NAČIN ORGANIZIRANJA MANIFESTACIJA

Član 12.

Značajne datume i događaje organizuju nivoi vlasti u skladu sa članom 4. Zakona na prostoru unutar svojih administrativnih granica.

Shodno prethodnom stavu, manifestacije kantonalnog nivoa mogu se organizirati na prostoru Kantona. S toga, ukoliko se kantonalne manifestacije planiraju na prostoru neke od lokalnih administrativnih jedinica, Vlada je dužna te manifestacije usaglasiti i objediniti sa istim manifestacijama lokalne samouprave i realizirati ih u svojoj nadležnosti. U tom slučaju troškove manifestacije Vlada može dogovorom dijeliti sa konkretnom jedinicom lokalne samouprave.

Član 13.

(Isticanje zastava i obilježja)

- (1) Na svim manifestacijama obavezno je isticanje zastave Bosne i Hercegovine.
- (2) Ostale zastave i obilježja koja se na manifestacijama mogu isticati su: zastave ratnih jedinica, policijskih snaga, prva državna zastava sa ljiljanima i grbovi ratnih jedinica.
- (3) Zabranjeno je isticati transparente sa bilo kakvim provokativnim natpisima protiv bilo koga ili protiv bilo čega.
- (4) Zabranjeno je isticati bilo koje zastave i druga obilježja političke orijentacije

Član 14.

(Odijevanje)

Svi učesnici manifestacije moraju biti dostojanstveno odjeveni. Učesnicima sa oskudnom odjećom ne dozvoliti učestvovanje u programu.

Član 15.

(Nošenje oružja)

Na svim manifestacijama strogo je zabranjeno nositi bilo kakvo oružje, osim službenim ovlaštenim licima i počasnom vodu (ako je angažovan).

Član 16.

(Politička neutralnost)

- (1) Manifestacije bilo koje vrste i sadržaja ne mogu se koristiti u političke svrhe, niti za bilo kakvu aktivnost političkih stranaka.
- (2) Svi govornici na manifestacijama obavezni su se pridržavati odredbi zakona Bosne i Hercegovine i podržavati provođenje Općeg okvirnog sporazuma za mir u Bosni i Hercegovini.

VI PRISUTNOST MANIFESTACIJAMA

Član 17.

(Prisutnost manifestacijama državnih organa i institucija)

Sa rukovodnim licima organa i institucija, nosilac aktivnosti je dužan blagovremeno provesti odgovarajuće pripreme za njihovo prisustvovanje manifestacijama.

U pripremama manifestacija rukovodna lica državnih organa i institucija posebnu pažnju su dužna posvetiti pripremi lica kojima su na radnom mjestu nadređeni.

Pripreme obuhvataju prisutnost, primjerno ponašanje i mjere sigurnosti lica na centralnim manifestacijama.

Član 18.

(prisutnost manifestacijama nastavnog osoblja i učenika)

Za prisutnost manifestacijama radnog osoblja i učenika srednjih i viših razreda (8-9) osnovnih škola odgovorni su rukovodni organi i nastavno osoblje tih javnih institucija.

Procedure priprema osoblja i učenika, njihovo učešće, mjere sigurnosti i druga bitna pitanja, propisat će Ministarstvo obrazovanja.

Član 19.

Svim manifestacijama koje nemaju karakter centralne manifestacije, obavezni su prisustvovati starješine i pomoćnici državnih organa i javnih institucija.

Član 20.

O prisutnosti lica manifestacijama koja su na to obavezna, odgovorna lica organa i institucija su dužna voditi odgovarajuću evidenciju.

Član 21.

Licima koja su prisustvovala manifestacijama vrijeme provedeno na istim se računa u aktivno radno vrijeme, a neodgovorna lica koja nisu prisustvovala manifestacijama, disciplinski sankcionisati za težu povredu radne discipline.

VII PUBLIKOVANJE

Član 22.

Sve manifestacije obuhvaćene planom obilježavanja značajnih datuma i događaja nosilac aktivnosti je dužan blagovremeno javno publikovati putem elektronskih i štampanih medija.

Broj, _____
Zenica, 2017.god.

Ministar
